

四庫全書薈要

• 乾隆御覽本

子部

齊民要術卷六

後魏 賈思勰 撰

養牛馬驢騾第五十六

相牛馬及諸病方法

養羊第五十七

氍及酥酪乾酪法收驢馬駒羔犢法羊病諸方並附

養猪第五十八

養雞第五十九

養鵝鴨第六十

養魚第六十一

養牛馬驢騾第五十六

相牛馬及諸病方法

服牛乘馬量其力能寒溫飲飼適其天性如不肥充繁

息者未之有也

金日磾降虜之煨燼卜式編戶齊民以羊馬之肥位登宰相公孫弘梁伯鸞牧

豕者或位極人臣身名俱泰或身高天下萬載不磨寧戚以飯牛見知馬稷牧養發迹莫不由近及遠從微至

著嗚呼小子何可忽乎故小童曰羊去亂羣馬去害者卜式曰非獨羊也治民亦如是以時起居忌者輒去無

令敗羣也

諺曰羸牛劣馬寒食下

言其乏食瘦瘠春中必死

務在充飽調適而

已

陶朱公曰子欲速富當畜五牝

牛馬猪羊驢五畜之牝然畜牝則速富之術也

禮記月令曰季春之月合累牛騰馬遊牝于牧

累騰皆乘匹之

名是月所以合牛馬

仲夏之月遊牝別羣則繫騰駒

孕任欲止為其牝氣有餘

恐相蹄齧也

仲冬之月牛馬畜獸有放逸者取之不詰

王居明堂

禮曰冬命農畢積聚繼放牛馬

凡驢馬駒初生忌灰氣遇新出爐者輒死

經雨者則不忌

馬頭為王欲得方目為丞相欲得光脊為將軍欲得強

腹脇為城郭欲得張四下為令欲得長

凡相馬之法先除三羸五駑乃相其餘大頭小頸一羸
弱脊大腹二羸小頸大蹄三羸大頭緩耳一駑長頸不
折二駑短上長下三駑大髀括貫切短脅四駑淺髀薄駟

五駑

騮馬驪肩鹿毛

闕

馬驛駱馬皆善馬也

馬生墮地無毛行千里溺舉一腳行五百里

相馬五藏法肝欲得小耳小則肝小肝小識人意肺欲

得大鼻大則肺大肺大則能奔心欲得大目大則心大

心大則猛利不驚目四滿則朝暮健腎欲得小腸欲得

厚且長腸厚則腹下廣方而平脾欲得小脾腹小則脾

小脾小則易養望之大就之小筋馬也望之小就之大

肉馬也皆可乘致致瘦欲得見其肉

謂前肩
守肉

致肥欲得

見其骨

骨謂
頭顱

馬龍顱突目平脊大腹腔重有肉此三事

備者亦千里馬也水火欲得分

水火在鼻
兩孔間也

上唇欲急而

方口中欲得紅而有光此馬千里馬上齒欲鈎鈎則壽

下齒欲鋸鋸則怒頷下欲深下唇欲緩牙欲去齒一寸

則四百里牙劍鋒則千里嗣骨欲廉如織杼而潤又欲

長煩下側骨是目欲滿而澤眶欲小上欲弓曲下欲直素中

欲廉而張素鼻孔上陰中欲得平股下主人欲小股裏上近前也陽裏

欲高則怒股中上近主人額欲方而平八肉欲大而明耳下玄中

欲深耳下近牙耳欲小而銳如削筒相去欲促鬚欲戴中骨

高二寸鬚中骨也易骨欲直眼下直下骨也頰欲開赤長膺下欲廣

一尺以上名曰挾一作扶尺能久走鞅欲方頰前喉欲曲而

深曾欲直而出

髀間前向

鳧間欲開望視之如雙鳧頸骨欲

大肉次之髻欲桎而厚且折季毛欲長多覆肝肺無病

髮後毛是

背欲短而方脊欲大而抗脢筋欲大

夾脊筋也

飛鳧見

者怒

脊後筋也

三府欲齊

兩髀及中骨也

尻欲頽而方尾欲減本欲

大胛肋欲大而湟名曰上渠能久走龍趯欲廣而長升

肉欲大而明

髀外肉也

輔肉欲大而明

前脚

腸欲充腔小

腔膝

季肋欲張

短肋

懸薄欲厚而緩

脚脛

虎口欲開

股肉

腹下欲平

滿善走名曰下渠日三百里陽肉欲上而高起

髀外前

髀

欲廣厚汗溝欲深明直肉欲方能久走

髀後肉也輸

一作鼠

欲方

直肉也

胸肉欲急

髀裏也

間筋欲急短而減善細走

髀輸

下機骨欲舉上曲如懸匡馬頭欲高距骨欲出前間骨

欲出前後曰

外臆臨蹄骨也

附蟬欲大前後目

夜眼

股欲薄而博

善能走

後髀前骨

臂欲長而膝本欲起有力

前脚膝上向前

肘後欲

開能走膝欲方而庫髀骨欲短兩肩骨欲深名曰前渠

怒蹄欲厚三寸硬如石下欲深而明其後開如鷄翼能

久走

相馬從頭始頭欲得高峻如削成頭欲重宜少肉如剥
兔頭壽骨欲得大如縣絮苞圭石

壽骨者髮所生處也

白從額上

入口名俞膺一名的顙奴乘客死主乘棄市大兇馬也
馬眼欲得高眶欲得端正骨欲得成三角睛欲得如懸
鈴紫豔光目不四滿下脣急不愛人又淺不健食目中
縷貫瞳子者五百里下上徹者千里睫亂者傷人目下
而多白畏驚瞳子前後肉不滿皆兇惡若旋毛眼眶上
壽四十年值眶骨中三十年值中眶下十八年在目下

者不借睛却轉後白不見者喜旋而不前目睛欲得黃目欲大而眊目皮欲得厚目上白中有橫筋五百里上下徹者千里目中白縷者老馬子目赤睫亂齧人反睫者善奔傷人目下有橫毛不利人目中有火字者壽四十年目偏長一寸三百里目欲長大旋毛在目下名曰承泣不利人目中五采盡具五百里壽九十年良多血氣也驚多赤青肝氣也走多黃腸氣也材知多白骨氣也材多黑腎氣也驚用策乃使訛也白馬黑目不利人

目多白却視有態畏物喜驚

馬耳欲得相近而前豎小而厚一寸三百里三寸千里
耳欲得小而前竦耳欲得短殺者良植者駕小而長者
亦駕耳欲得小而促狀如斬竹筒耳方者千里如斬筒
七百里如雞距者五百里

鼻孔欲得大鼻頭文如王火字欲得明鼻上文如王公
五十歲如火四十歲如天三十歲如小一十歲如今十
八歲如四八歲如宅七歲鼻如水文二十歲鼻欲得廣

而方

脣不覆齒少食上脣欲得急下脣欲得緩上脣欲得方
下脣欲得厚而多理故曰脣如板韃御者啼黃馬白喙
不利人

口中色欲得紅白如火光為善材多氣良且壽即黑不
鮮明上盤不通明為惡材少氣不壽一曰相馬氣發口
中欲見紅白色如穴中看此皆老壽一曰口中欲正赤
上理文欲使通直勿令斷錯口中青者三十歲如虹腹

下皆不盡壽駒齒死矣口吻欲得長口中色欲得鮮好

旋毛在物後為御禍不利人刺芻欲竟骨端

刺芻者齒間肉

齒左右蹉不相當難御齒不周密不久疾不滿不原不

能久走一歲上下生乳齒各二二歲上下生齒各四三

歲上下生齒各六四歲上下生成齒二

成齒皆背三八四方生也

五

歲上下著成齒四六歲上下著成齒六

兩廂黃生區受麻子也

七

歲齒兩邊黃各缺區平受米八歲上下盡區如一受麥

九歲下中央兩齒白受米十歲下中央四齒白十一歲

下六齒盡白十二歲下中央兩齒平十三歲下中央四

齒平十四歲下中央六齒平十五歲上中央兩齒白十

六歲上中央四齒白

若看上齒依
下齒次第者

十七歲上中央六齒

皆白十八歲上中央兩齒平十九歲上中央四齒平二

十歲上中央六齒平二十一歲下中央兩齒黃二十二

歲下中央四齒黃二十三歲下中央六齒盡黃二十四

歲上中央二齒黃二十五歲上中央四齒黃二十六歲

上中央六齒盡黃二十七歲下中二齒白二十八歲下

中四齒白二十九歲下中盡白三十歲上中央二齒白
三十一歲上中央四齒白三十二歲上中盡白

頸欲得脰而長頸欲得重頷欲折胃欲出臆欲廣頸項
欲厚而強迴毛在頸不利人

白馬黑毛不利人肩肉欲寧

寧者
却也

雙鳧欲大而上

雙鳧
胃兩

邊肉
如鳧

脊欲得平而廣能負重背欲得平而方鞍下有迴毛名

負尸不利人

從後數其脇肋得十者良凡馬十一者二百里十二者

千里過十三者天馬萬乃有一耳

一云十三肋五百里十五肋千里也

腋下有迴毛名曰挾尸不利人

左脇有白毛直下名曰帶刀不利人

腹下欲平有八字腹下毛欲前向腹欲大而垂結脉欲

多大道筋欲大而直

大道筋從膈下抵股者是

腹下陰前兩邊生逆毛入腹帶者行千里一尺者五百

里

三封欲得齊如一

三封者即尻上三骨也

尾骨欲高而垂尾本欲大尾下欲無毛

汗溝欲得深

尻欲多肉莖欲得麤大

蹄欲得厚而大

腕欲得細而促

髁骨欲得大而長

尾本欲大而張

膝骨欲圓而長大如杯盃

溝上通尾本者踰殺人

馬有雙脚脰亭行六百里迴毛起踠膝是也

脰欲得圓而厚裏肉生焉

後腳欲曲而立

臂欲大而短

骸欲小而長

踠欲促而大其間纔容鞢

烏頭欲高

鳥頭後足外節

後足輔骨欲大

輔足骨者後足骸之後骨

後左右足白不利人

白馬四足黑不利人

黃馬白喙不利人

後左右足白殺婦

相馬視其四蹄後兩足白老馬子前兩足白駒馬子白

毛者老馬也

四蹄欲厚且大四蹄顛倒若豎履奴乘客死主乘棄市不可畜

久步即生筋勞筋勞則發蹄痛凌氣

一日生骨則發癰腫一日發蹄生癰

也久立則發骨勞骨勞即發癰腫

久汗不乾則生皮勞皮勞者驤而不振

汗未善燥而飼飲之則生氣勞氣勞者即驤而不起

驅馳無節則生血勞血勞則發強行

何以察五勞終日驅馳舍而視之不驤者筋勞也驤而

不時起者骨勞也起而不振者皮勞也振而不噴者氣

勞也噴而不溺者血勞也筋勞者兩絆却行三十步而

已一曰筋勞者驟起而絆之徐行三十里而已

骨勞者令人牽之起從後答

之起而已皮勞者夾脊摩之熱而已氣勞者緩繫之櫪

上遠餒草噴而已血勞者高繫無飲食之大溺而已飲

食之節食有三芻飲有三時何謂也一曰惡芻二曰中

芻三曰善芻

善謂飢時與惡芻飽時與善芻引之令食食常飽則無不肥到草粗雖是豆穀亦不

肥充細到無節徒而食之者令馬肥不啞

江自然好矣何謂三時一曰朝飲少之

二曰晝飲則胃膈水三曰暮極飲之

一曰夏汗冬寒皆當節飲諺曰旦起

騎穀日中騎水斯言旦飲須節水也每飲食令行驟則消水小驟數百步亦佳十日一放令其陸梁舒展令馬

硬寔也夏即不汗冬即不寒汗而極乾

飼父馬令不鬪法

多有父馬者別作一坊多置槽廐對及穀頭各自別安唯著羈頭浪放

不繫非直飲食遂性舒適自在至於黃溺自然一處不須掃除乾地服卧不濕不汗百匹羣行亦不鬪也

飼征馬令硬實法

細剉芻枋擲揚去葉專取取和穀豆林之置槽於迥地雖復雪寒勿令安

殿下一日一走令其肉熟馬則硬實而耐寒苦也

羸驢覆馬生羸則注常以馬覆驢所生驢者形容壯大彌復勝馬然選七八歲草驢骨口正大者母長則受

駒父大則子壯草驢不產產無不死養草驢常須防勿令離羣也

驢大都類馬不復別起條端

凡以豬槽飼馬以石灰泥馬槽馬汗繫者門此三事皆

令馬落駒

衍曰常繫羈猴於馬坊令馬不畏辟惡消百病也

治牛馬病疫氣方

取獾屎煮以灌之獾肉及肝彌良不能得肉肝入用屎耳

治馬患喉痺欲死方

纏刀子露鋒刃一寸刺咽喉令潰破即愈不治必死也

治馬黑汗方

取燥馬屎置瓦上以人頭亂髮覆之火燒馬屎及髮令煙出着馬鼻下熏之使煙入

馬鼻中須更即瘥也

又方

取豬脊引脂雄黃亂髮凡三物著馬鼻下燒之使煙入馬鼻中須臾即瘥

馬中熱方

煮大豆及熱飯噉馬三度愈也

治馬汗凌方

取美豉一升好酒一升夏著日中冬則溫熱浸豉使液以手搗之絞去滓以汁灌口

汗出則愈矣

治馬疥方

用雄黃頭髮二物以臘月猪脂煎之髮消以搏指疥令赤及熱塗之即愈也

又方

湯洗疥拭令乾煮麵糊熱塗之即愈也

又方

燒栢脂塗之良

又方

研芥子塗之差六畜疥悉愈然栢瀝芥子並是燥藥其偏體患疥者宜歷落班駁以漸塗之待差更

塗餘處一日之中頓
塗偏體則無不死

治馬中水方

取鹽著兩鼻中各如雞子黃許大
捉鼻令馬眼中淚出乃止良也

治馬中穀方

手捉甲上長髮向上提之令皮離肉如此
數過以鉞刀子刺空中皮令突過以手當

刺孔則有如風吹人手則是穀氣耳令人
溺上又以鹽塗使人立乘數十步即愈耳

又方

取餵如雞子大打碎
和草飼馬甚佳也

又方

取麥蘖末三升
和穀飼馬亦良

治馬腳生附骨不治者入膝節令馬長跛方

取芥子熟
搗如雞子

黃許取巴豆三枚去皮留齊三枚亦搗熟以水和令相
著和時用刀子不爾破人手當附骨上拔去毛骨外融

蜜蠟周匝攤之不爾恐藥躁瘡大著蠟罷以藥傳骨上
取生布割兩頭作三道急裏之骨小者一宿便盡大者
不過再宿然須要數看恐骨盡便傷好處看附骨盡取
冷水淨洗瘡上刮取車軸頭脂作餅子著瘡上速以淨
布急裏之三四日解去即生毛而無癰此法甚良大勝
灸者然瘡未瘥不得輒乘若瘡中出血便成大病也

治馬被刺腳方

用穢麥和小兒哺塗即愈

馬灸瘡

未瘥不用令汗瘡白痴時慎風得瘥後從意騎耳

治馬瘡蹄方

以刀刺馬跣叢毛中使血出愈

又方

融羊脂塗瘡上以布裏之

又方

取鹹土兩石許以水淋取一石五斗釜中煎取三二斗剪去毛以泔清淨洗乾以鹹汁洗之三度即

愈

又方

以湯洗淨燥拭之嚼麻子塗之以布帛裹三度愈若不斷用穀塗五六度即愈

又方

剪去毛以鹽湯淨洗去加燥拭於破瓦中煮人屎令沸熱塗之即愈

又方

以鋸子割所患蹄頭前正當中斜割之令上狹下濶如鋸齒形去之如剪箭括向深一寸許刀子摘

令血出色心黑出五升許解放即瘥

又方

先以酸泔清洗淨然後爛煮猪蹄取汁及熱洗之瘥

又方

取炊釜底湯淨洗以布拭水令盡取黍米一升作稠粥以故布廣三四寸長七八寸以粥糊布上厚

裹蹄上瘡處以散麻纏之三日去之即當瘥也

又方

耕地中拾取禾茨東倒西倒者若東西橫地取南倒北倒者一壟取七科三壟凡取二十一科淨洗

釜中煮取汁色黑乃止剪却毛泔淨洗去痂以禾茨汁熱塗之一上即愈

又方

尿清羊糞令液取屋四角草就上燒令灰入鉢中研令熱用泔洗蹄以糞塗之再三愈

又方

糞酸棗根取汁淨洗訖水和酒糟毛袋盛漬蹄沒瘡處數度即瘥也

又方

淨洗了擣杏仁和豬脂塗四五上即當愈

治馬大小便不通眠起欲死須急治之不治一日即死

以脂塗人手探穀道中去結屎以鹽內溺道中須臾得溺便當瘥也

治馬卒腹脹眠卧欲死方

用冷水五升鹽二斤研鹽令消以灌口中必愈

治驢漏蹄方

鑿厚磚石令容驢蹄深二寸許熱燒磚令熟赤削驢蹄令出漏孔以蹄頓著磚孔中

傾鹽酒醋令沸浸之牢捉勿令脚動待磚冷然後放之即愈入水遠行悉不發

牛岐胡有壽

岐胡牽兩腋亦分為三也

眼去角近行駛眼欲得大眼

中有白脉貫瞳子最快二軌齊者快

二軌從鼻至髀為前軌甲至髀為後

軌

頸骨長且大快壁堂欲得濶

壁堂脚肢間也

倚欲得如絆馬

聚而正也莖欲得小膺庭欲得廣

膺庭胃也

天關欲得成

天關

脊接骨也

儻骨欲得垂

儻骨脊骨中夾欲得下也

洞胡無壽

洞胡從頭至臆也

旋

毛在珠淵無壽

珠淵當眼下也

上池有亂毛起妨主

上池兩角中一曰戴

也麻倚腳不正有勞病角冷有病毛拳有病毛欲得短密

若長疎不耐寒氣耳多長毛不耐寒熱單脊無力有生

癰即決者有大勞病尿射前腳者快直下者不快亂睫

者觖人後腳曲及直並是好相直尤勝進不甚直退不

甚曲為下行欲得似羊行頭不用多肉臀欲方尾不用

至地至地少力尾上毛少骨多者有力膝上縛肉欲得

硬角欲得細橫豎無在大身欲得促形欲得如卷

卷者其形

也側插頸欲得高一曰體欲得緊大膝疎肋難飼龍突目

好跳又能行云不鼻如鏡鼻難牽口方易飼蘭株欲得大蘭

尾豪筋欲得成就豪筋脚後橫筋豐岳欲得大豐岳膝株骨也蹄欲得

豎豎如羊角垂星欲得有努肉垂星蹄上有肉覆蹄謂之努肉力柱欲得大

而成力柱常車肋欲得密肋骨欲得大而張張而廣也髀骨欲得

出僂骨上出背脊骨上也易牽則易使難牽則難使泉根不用

多肉及多毛泉根莖所出也懸蹄欲得橫如八字也陰虹屬頸行千

里陰虹者有雙筋白毛骨屬脛肱公所飯也陽鹽欲得廣陽鹽者夾尾株前兩腓也當陽鹽

中間脊骨欲得窄窄則雙脊不窄則為單脊常有似鳴者有黃

治牛疫氣方

取人參一兩細切水煮取汁五六升灌口中

又方

臘月兔頭燒作灰和水五六升灌之亦良

又方

硃砂三指撮油脂二合清酒六合煖灌即瘥

治牛腹脹欲死方

取婦人陰毛草裏與食之即愈此治氣脹也

又方

研麻子取汁溫冷微熱擘口灌之五六升許愈此治生豆腹脹垂死者大良

治牛疥方

煮烏頭汁熱洗五度即瘥耳

治牛肚反及嗽方

取榆白皮水煮極熱令甚滑以五升灌之即瘥也

治牛中熱方

取兔腸肚勿去屎以裹草吞之不過再三即愈

治牛虱方

以胡麻油塗之即愈猪脂亦得凡六畜虱脂塗悉愈

治牛病

用牛膽一箇灌牛口中瘥

家政法云四月伐牛骨焚

四月毒草與芡豆不殊齊俗不收所失大也

術曰埋牛蹄著宅四角令大富

養羊第五十七

醢酥酪乾酪收驢馬駒羔犢法羊病諸方並附

常留臘月正月生羔為種者上十一月二月生者次之

非此月數生者毛必焦卷骨髓細小所以然者是逢寒遇熱故也其八九十月生者雖值秋熱比至冬暮母乳已竭春草未吐是故不佳其三四月生者雖茂美而羔小未食常飲熟乳所以亦惡六七月生者兩熱相仍中

之甚其十一月及二月生者母既合重膚軀充儲草
雖枯亦不羸瘦母乳適盡即得春草是以亦佳也 大

率十口一羝

羝少則不孕羝多則亂羣不孕者必瘦瘦則匪唯不蕃息經冬或死

羝無角

者更佳

有角者喜相觸傷胎所由也

供厨者宜刺之

刺法生十餘日布裹齒脉碎之

牧羊必須老人及心性宛順者起居以時調其宜適卜

式云牧民何異於是者

若使急性人及小兒者攔約不得必有打傷之災或勞戲不看

則有狼犬之害懶不驅行無肥充之理將息失所有羔死之患也

唯遠水為良二日一

飲

頻飲則傷水而鼻膿

緩驅行勿停息

息則不食而羊瘦急行則空座而舛顛也

春夏

早放秋冬晚出

春夏氣軟所以宜早秋冬霜露所以宜晚養生經云春夏早起與雞俱興秋冬

晏起必待日光此其義也夏月盛暑須得陰涼若日中不避熱則塵汗相斬秋冬之間必致癰疥七月以後霜氣降後必須日出霜露晞解然後放圈不厭近必須與之不爾則逢毒氣令羊口瘡腹脹也

人居相連開窻向圈

所以然者羊性怯弱不能禦物狼一入圈或能絕羣

架北牆

為廠

為屋即傷熱熱則疥癰且屋處慣煖冬月入田尤不耐寒

圈中作臺開竇無令

停水二日一除勿使糞穢

穢則汚毛停水則狹蹄眠濕則腹脹也

圈内須

並牆豎柴柵令周匝

羊不指土毛常自淨不豎柴者羊指牆壁土鹹相得毛皆成毡又豎

柵頭出牆者虎狼不敢踰也

羊一千口者三四月中種大豆一頃雜穀并草留之不

須鋤治八九月終刈作青茭若不種豆穀者初草實成

時收刈雜草薄鋪使乾勿令鬱浥

豎豆胡或蓬藜荆棘為上大小豆箕次之

高麗豆箕尤有所便蘆亂二種則不種凡秋刈草非直為羊然大凡悉皆倍勝崔寔曰十月七日刈蒿茭既

至冬寒多饒風霜或春初雨落青草未生時則須飼不

宜出放積茭之法

於高燥之處豎桑棘木作兩圓柵各五六步許積茭著柵中高一丈亦無

嫌任羊遠柵指食竟日通夜口常不住終冬過春無不肥充若不作柵假有千車茭擲與十口羊亦不得飽羣

羊踐躅而已不

不收茭者初冬乘秋似如有膚羊羔乳

食其母比至正月母皆瘦死羔小未能獨食水草尋亦

俱死非直不滋息或滅羣斷種矣

余昔有羊二百口茭豆既少無以飼一歲

之中餓死過半假有在者疥瘦羸斃與死不殊毛復淺短全無潤澤余初謂家自不宜又疑歲道疫病乃饑餓所致無他故也人家八月收穫之始多無庸假且買羊雇人所費既少所存者大傳曰三折臂始為良醫又曰亡羊治牢未為晚也世事略皆如此安可不存意哉

寒月生者須然火於其邊

夜不然火必凍死也

凡初產者宜煮穀豆飼之白羊留母二三日即母子俱

放

白羊性狠不得獨留并母久住則令乳之

殺羊但留母一日寒月者內羔

子坑中日夕母還乃出之

坑中煖不苦風寒地熱使眠如常飽者也

十五日

後方喫草乃放之

白羊三月得草乃毛牀動則鉸之

鉸訖於河水之中淨洗羊則生白淨毛也

五月毛牀將落鉸取之

鉸訖更洗如前

八月初胡菓子未成時

又鉸之

鉸了亦洗如初其八月半後鉸者勿洗白露已降寒氣侵人洗即不益胡菓子成然後鉸者匪

直著毛難治又歲稍晚比至寒時毛長不足令羊瘦損漠北塞之羊則八月不鉸鉸則不耐寒中國必須鉸不

鉸則毛長相著作羶難成也

作羶法

春毛秋毛中半和用秋毛紫強春毛軟弱獨用大偏是以須雜三月桃花水羶第一凡作羶不

須厚大唯紫薄均調乃佳耳二年敷卧小覺垢以九月十月賣作羶羶明年四五月出羶時更買新者此為長

存不穿敗若不數換者非直垢汙穿穴之後便無所直虛成廢費此不朽之功豈可同年而語也

令蠶不生蟲法

夏月敷席下卧上則不生蟲若蠶多無人卧上者預收權柴燥薪灰入五月中

羅灰徧著蠶上厚五寸許卷束於風涼之處閤置蟲亦不生如其不爾無不生蟲

羝羊四月末五月初鉸之

性不耐寒早鉸寒則凍死雙生者多易為繁息性既豐乳

有酥酪之饒毛堪酒袋兼繩索之利其潤益又過白羊

作酪法

牛羊乳皆得別作和作隨人意牛產日即粉穀如糕屑多著水煮作則薄粥待冷飲牛若不飲

者莫與水明日渴自飲牛產三日以繩絞牛項頸令偏身脉脹倒地即縛以手痛按乳核令破以脚二七徧蹴乳房然後解放羊產三日直以手按核令破不以脚蹴若不如如此破核者乳脉細微攝身則閉核破脉開將乳

易得曾經破核後產者不須復治牛產五日外羊十日
外羔犢得乳力強健能吮水草然後取乳將時須人斟
酌三分之中當留一分以與羔犢若取乳太早及不留
一分乳者羔犢瘦死三月末四月初牛羊飽草便可取
酪以收其利至八月末止從九月一日後止可小小供
食不得多作天寒草枯牛羊漸瘦故也大作酪時日暮
牛羊還即間羔犢別著一處凌旦早放母子別羣至日
東南角取露草飽驅歸將之訖還放之聽羔犢隨母日
暮還別如此得乳多牛羊不瘦若不早放先將者比竟
日高則露解常食燥草無復膏潤非直漸瘦得乳亦少
將訖於鐺釜中緩火煎之火急則著底焦常以正月二
月預收乾牛羊矢煎乳第一好草既灰汁柴又喜焦乾
糞火輒無此二患常以杓揚乳勿令溢出時復徹底縱
橫直勾慎勿圓攪喜斷亦勿口吹則解四五沸便止瀉
著盆中勿便揚之待小冷掠取乳皮著別器中以為酥
屈木為棬以張生絹袋子濾熟乳著瓦瓶中卧之卧之

新瓶即直用之不燒若舊瓶已曾卧醅時輒須灰火中燒瓶令津出迴轉燒之皆便周匝熱徹好乾待冷乃用不燒者有潤氣則醅斷不成若日日燒瓶醅猶有斷者作醅屋中有蛇蝦蟇故也宜燒人髮羊牛角以辟之聞真氣則去矣其卧醅待冷煖之節溫溫小煖於人體為合宜適熱卧則醅醋傷冷則難成濾乳訖以先成甜醅為醪大率熟乳一升用醅半匙著杓中以匙攪令散瀉著熟乳中仍以杓攪使均調以氈絮之屬茹瓶令煖良久以單布蓋之明旦醅成若去城中遠無熟醅作醪者急榆醋食研熟以為醪大率一斗乳下一匙醪攪令均調亦得成其酢醅為醪者醅亦醋甜醪傷多醅亦醋其六七月中作者卧時令如人溫直置冷地不必須溫茹冬天作者卧時少令熱於人體降於餘月茹令極熱

作乾醅法

七月八月月中作之日中炙醅醅上成掠取更炙之又掠肥盡無皮乃止得一斗許於鐺

中炒少許時即出於盤上曝汩汩時作圓大如梨許又
曝使乾得經數年不壞以供遠行作粥作漿時細削著
水中煮沸便有酪味亦有全擲一團著湯中嘗有酪味
還漉取曝乾一編則得五編煮不破看勢兩斬薄乃削
研用者倍矣

作漉酪法

八月中作取好淳酪生布袋盛懸之當有水
出滴滴水不盡著鐺中暫炒即出於盤上日

曝汩汩時作團大如梨許亦數年不壞削作漿味勝前
者炒雖味短不及生酪然不炒生蟲不得過夏乾漉二
酪久停皆喝氣不如
年別作歲管用盡

作馬酪醇法

用驢乳汁二三升和馬乳不限多少澄酪
成取下澱團曝乾後歲作酪用此為醇也

押酥法

以夾榆木碗為把子作把法割去碗半上剉四
廂各作一圓孔大小徑寸許正底施長柄如酒

把形拌酥酪甜皆得所數目陳酪極大酪著亦無嫌
酪多用大甕酪少用小甕置甕於日中旦起瀉酪著甕
中炙直至日西南角起手拌之令杷子常至甕底一食
頃作熱湯水解令得下手寫著甕中湯多少令常半酪
乃拌之良久酥出下冷水多少亦與湯等更急拌之於
此時杷子不須復達甕底酥已浮出故也酥既徧覆酪
上更下冷水多少如前酥凝拌止大盆盛冷水著甕邊
以手接酥沉手盆水中酥自浮出更掠如初酥盡乃止
酥酪漿中和殮粥盆中浮酥待冷凝以手接取搗去
水作圓著銅器中或不津瓦器亦得十日許得多少併
內鐺中然牛羊矢緩火煎如香澤法當日內乳涌出如
雨打水水中乳既盡聲止沸定酥便成矣冬即內著羊
肚中夏盛不津器初煎乳時上有皮膜以手隨即掠取
著器中寫熟乳著盆中未濾之前乳皮凝厚亦悉掠取
明日酪成若有黃皮亦悉掠取併著甕中以物痛熟研
良久下湯又研亦下冷水純是好酪接取作團與大段

同煎
矣

羊有疥者間別之不別相染汚或能合羣致死羊疥先著口者難治多死

治羊疥方

取黎蘆根咬咀令破以泔浸之以瓶盛塞口於灶邊常令煖數日醋香便中用以磚瓦刮

疥令赤若強硬痂厚者亦可以湯洗之去痂拭燥以藥汁塗之再上愈若多者日別漸漸塗之勿頓塗令偏羊皮不堪藥勢便死矣

又方

去痂如前洗燒葵根為灰煮醋熬熱塗之以灰厚傳再上愈寒時勿剪毛去即凍死矣

又方

臘月豬脂加熏黃塗之即愈

羊膿鼻眼不淨者皆以中水治方

以湯和鹽用杓研之極鹹塗之為佳更待

冷接取清以小角受一雞子者溝兩鼻各一角非直水瘡永息去蟲五日後必飲以眼鼻淨為候不瘡更溝一如前法

羊膿鼻口頰生瘡如乾癬者名曰可妬運迭相染易著者多死或能絕羣治之方

豎長竿於圈中竿頭施橫板令獼猴上居數日自然差此

獸辟惡常安於圈中亦好

治羊挾蹄方

取羝脂和鹽煎使熟燒熱令微赤著脂烙之著乾勿令水汎入七日自然瘥耳

凡羊經疥得差者至夏後初肥時宜賣易之不爾後年

春疥發必死矣

凡驢馬牛羊收犢子駒羔法

常於市上伺候見含重垂欲生者輒買取駒犢一百

五十日羊羔六十日皆能自活不復藉乳乳母好堪為種產者因留之以為種惡者還賣不失本價生羸駒犢還更買懷子孕者一歲之中牛馬驢得兩番羊得四倍羊羔臘月正月生者留以作種餘月生者剝而賣之用二萬錢為羊本必歲收千口所留之種率皆精好與世間絕殊不可同日而語之何必羔犢之饒又羸酪之利也羔有死者皮好作裘縹肉好作乾腊及作肉醬味又甚美

家政法云養羊法當以瓦器盛一升鹽懸羊欄中羊喜鹽自數還啖之不勞人收

羊有病輒相汚欲令別病法當欄前作瀆深二尺廣四尺往還皆跳過者無病不能過者入瀆中行過便別之術曰懸羊蹄著戶上辟盜賊澤中放六畜不用令他人無事橫截羣中過道上行即不諱

龍魚河圖曰羊有一角食之殺人

養豬第五十八

爾雅曰豕子豬豸獮豸幼奏者獮豕三豸二師一特所
寢憎四獮皆白獮其跡刻絕有力貌北注云豸也其
子曰豚一歲曰豨廣志曰豨豨
氣鬯豕也豨鬯也穀艾豨也

母豬取短喙無柔毛者良

喙長則牙多三牙以上則不煩畜為難肥故有柔毛者治

難淨也

牝者子母不同圈

子母一圍魯聚不關則不聚

牡者同圈則無

嫌

牡性遊蕩若非家生則喜浪矣

圈不厭小

圈小肥疾

處不厭穢

泥穢得避暑

亦

須小厰以避雨雪春夏中生隨時放牧糟糠之屬當日

別與

糟糠夏輒敗不停故

八九十月放而不飼所有糟糠則畜待

冬春初

豬性甚便水生之草杞數水藻等近岸豬食之皆肥

初產者宜煮

闕

飼之

具子三日搗尾六十日後捷

三日則不畏風凡死者皆尾風所致耳捷不截尾則

前大後小捷者骨細肉多不捷者骨粗肉少如捷牛法者無風死之患

十二月子生者豚

一宿蒸之

蒸法宗籠盛豚着甑中微火蒸之汗出便能

不蒸則腦凍不合出

旬便死

所以然者豚性腦少寒盛則不能自暖故須暖氣助之

供食豚乳下者佳簡取別飼之愁其不肥共母同圈粟

豆難足宜埋車輪為食場散粟豆於內小豚足食出入

自由則肥速

雜五行書曰懸臘月豬羊耳著堂梁上大富

淮南萬畢術曰麻鹽肥豚豕

取麻子三升擣千餘杵煮為羹以鹽一升著中和糠

三斛飼豕則肥也

養雞第五十九

爾雅曰雞大者蜀蜀子雞未成雞健絕有力奮雞三尺為鶡郭璞注曰陽溝巨鶡古之雞名廣志曰雞有胡髮五指金散反翅之種大者蜀小者荆白雞金散者鳴美吳中送長鳴雞雞鳴長倍於常雞異物志曰九真長鳴雞最長聲甚好清朗鳴未必在曙時潮水夜至因之並鳴或名曰伺潮雞風俗通云俗說朱氏公化而為雞故呼雞者皆言朱朱玄中記云東南有桃都山上有大桃樹名桃都枝相去三十里上有一天雞日初出光照此木天雞則鳴羣雞皆隨而鳴也

雞種取桑落時生者良

形小淺毛脚細短是也

春夏生

者則不佳

形大毛羽悅澤脚粗長者是遊蕩饒聲產乳易厭既不守巢則無緣蕃息也

雞春

夏雞二十日內無令出窠飼以燥飯

出窠早不免鳥鵠與濕飯則令臍腺

也雞棲宜掘地為籠內著棧雖鳴聲不朗而安穩易肥

又免狐狸之患若在之樹林一遇風寒大者損瘦小者

或死然柳柴雞雛小者死大者育

此亦燒穰殺瓠之流其理難悉

養雞令速肥不杞屋不暴園不畏鳥鵠狐狸法

別築墻匡開小

門作小厰令雞避雨日雌雄皆斬去六翮無令得飛出

常多收桃穉胡之類以養之亦作小槽以貯水荆蒲為

棲去地一尺數掃去屎鑿墻為窠亦去地一尺唯冬天

著草不茹則子凍春夏秋三時則不須直置匡上任其

產伏留草則蜈蚣生雞出則著外許以罩籠之鵠鷄大

還內墻匡中其供食者又別作墻匡蒸小麥飼之三七

日便肥
大矣

又穀產雞子供常食法

別取雌雞勿令與雄相雜其墻

穀令竟冬肥盛自然穀產矣一雞生百餘
卵不雜並食之無谷餅災所須皆宜用此

淪雞子法

打破著沸湯中浮出即掠
取生熟正得即加鹽醋也

炒雞子法

打破銅鑊中攪令黃白相雜細擘葱
白下鹽米渾豉麻油炒之甚香矣

孟子曰雞豚狗彘之畜無失其時七十者可以食肉矣

家政法曰養雞法二月先耕一畝作田秫粥灑之刈生

茅覆上自生白蟲便買黃雌雞十隻雄一隻於地上作

屋方廣丈五於屋下懸簣令雞宿上并作雞籠懸中夏月盛晝雞當還屋下息并於園中築作小屋覆雞得養子烏不得就

龍魚河圖曰畜雞白頭食之病人雞有六指者亦殺人雞有五色者亦殺人

養生論曰雞肉不可食小兒食令生疣蟲又令消體瘦鼠肉味甘無毒令小兒消殺除寒熱炙食之良也

養鵝鴨第六十

爾雅曰舒鴈鵠廣雅曰鴛鴦野鵠也說文曰鷖鷖野鵠也晉沈充鵠賦序曰於時綠眼黃喙家家有焉大康中太倉鵠從喙至足四尺有九寸體色豐麗鳴聲鷖人爾雅曰舒鳬鷖說文鷖舒鳬廣雅曰鷖雅也野雅雄者亦頭有短鷖生百卵或一日再生有露鷖以秋冬生頃並世蜀口

鵠鴨並一歲再伏者為種

一伏者得卵少三伏者冬寒雖亦多死也

大率鵠

三雌一雄鴨五雌一雄鵠初輩生子十餘鴨生數十後

輩皆漸少矣

常足五穀飼之生子多不足者生子少

欲放厰屋之下作窠

以防猪犬狐狸驚恐之害

多著細草於窠中令煖先刻白木為卵形

窠別著一枚以誑之

不爾不肯入窠喜東西浪生若獨著一窠後有爭窠之患

生時

尋即收取別作一煖處以柔細草覆之

停置窠中凍即雛死

伏時

大鵝一十子大鴨二十子小者減之

多則不周

數起者不任

為種

數起則凍死也

其貪伏不起者須五六日一與食起之令

洗浴

久不起者饑羸身冷雖伏無熱

鵝鴨皆一月雛出量雛欲出之時

四五日內不用聞打鼓紡車犬叫豬犬及舂聲又不用

器淋灰不用親見產婦

觸忌者雛多厭殺不能自出假令出亦尋死也

雛既出

別作籠籠之先以粳米為粥糜一頓飽食之名曰填嗉

不爾喜軒虛羸竭量而死

然後以粟飯切苦菜蕪菁英為食以清水

與之濁則易

不易泥塞鼻則死

入水中不用停久尋宜驅出

此既

水禽不得水則死臍未合久在水中冷徹亦死

於籠中高處敷細草令寢處其

上

雛小臍未合不欲冷也

十五日後乃出

早放者匪直乏力致困又有寒冷兼鳥鵝災也

鵝唯食五穀稗子及草菜不食生蟲

葛洪方曰居射土之地常養鵝見此

物食之故驚辟此物也

鴨靡不食矣水稗實成時尤是所便噉此

足得肥充供厨者子鵝百日以外子鴨六七十日佳過

此肉硬大率鵝鴨六年以上老不復生伏矣宜去之少

者初生伏又未能工唯數年之中佳耳

風土記曰鴨春季雛到夏五月則任啖故俗五六月則烹食之

作杭子法純取雌鴨無令雜雄足其粟豆常令肥飽一

鴨便生百卵

俗所謂谷生者此卵既非陰陽合生雖伏亦不成雛宜以供贍幸無廢卵之咎也

杭木皮

爾雅曰杭魚毒郭璞注曰杭大本子似栗生南方皮厚汁赤中藏卵果無杭皮者虎杖根牛並

作用爾雅云茶虎杖郭璞注云似紅草粗大有細刺可以染赤

淨洗細莖剉煮取汁率

二斗及熟下鹽一升和之汁極冷內甕中

汁熱卵則致敗不堪久停

浸鴨子一月任食煮而食之酒食俱用鹹徹則卵浮

吳中

多作者至十數解久
停彌善亦得經夏也

養魚第六十一

陶朱公養魚經云威王聘朱公問之曰聞公在湖為漁
父在齊為鴟夷子皮在西戎為赤精子在越為范蠡有
之乎曰有之曰公任足千萬家累億金何術乎朱公曰
夫治生之法有五水畜第一水畜所謂魚池也以六畝
地為池池中有九洲求懷子鯉魚長三尺者二十頭牡
鯉魚長三尺者四頭以二月上庚日內池中令水無聲

魚必生至四月內一神守六月內二神守八月內三神
守神守者鼈也所以內鼈者魚滿三百六十則蛟龍為
之長而將魚飛去內鼈則魚不復去在池中周遶九洲
無窮自謂江湖也至來年二月得鯉魚長一尺者一萬
五千枚三尺者四萬五千枚二尺者萬枚枚直五十得
錢一百二十五萬至明年得長一尺者十萬枚長二尺
者五萬枚長三尺者五萬枚長四尺者四萬枚留長二
尺者二千枚作種所餘皆取錢五百一十五萬錢候至

明年不可勝計也王乃於後苑治池一年得錢三十餘

萬池中九洲八谷谷上立水二尺又谷中立水六尺所

以養鯉者鯉不相食又易長也

如朱公叔利未可頓求然依法為池養魚必大

豐足終天靡窮斯以無貨之利也

又作魚池法

三尺大鯉非近江湖倉卒難求若養小魚積年不大欲令生大魚法要須截取蘓澤

陂湖饒大魚之處近水際土闊十數載以布池底二年之內即生大魚蓋由土中先有大魚子得水即生也

蓴

南越經云石蓴似紫葉色青詩曰思樂泮水言采其茹毛云茹鳧葵也詩義疏云茹與葵相似葉犬如手

赤圓有肥斷著手中滑不得停也莖大如箸皆可生食又可約滑羹江南人謂之蓴菜或謂之水葵本草云治

消渴熱痺又云冷補下氣雜鯉魚作羹亦逐水而性滑謂之淳菜或謂之水芹服食之家不可多噉

種蓴法

近陂湖可於湖中種之近流水者可決水為池種之以深淺為候水深則莖肥葉少水淺則葉

多而莖瘦蓴性易生一種永得宜潔淨不耐污穢入池即死矣種一斗餘許足用

種藕法

春初掘藕根節頭著魚池泥中種之當年即有蓮花

種蓮子法

八月九月取蓮子堅黑者於瓦上磨蓮頭令皮薄取瑾土作熟泥封之如三指大長二寸

使葉頭平重磨去尖銳泥乾時擲於池中重頸泥下自然周正薄易生少時即出其不磨者皮既堅厚倉卒不

能生也

種芡法

一名雞頭一名鴈喙即今芡子是也由子形上花似雞冠故名曰雞頭八月中收取擘破取子

散著池中
自然生也

種芰法

一名菱秋上子黑熟時收取散著池中自生矣
本草云菱芰中米上品藥食之安中補藏養神

強志除百病益精氣耳自聰輕身耐老蒸糧蜜
和餌之長生神仙多種儉歲有此足度荒年

齊民要術卷六

謹案卷五第二頁前六行桑樞熟時刊本樞訛拓
又功省用多刊本多訛力並據抄宋本改

第二頁後二行不如壓枝之連刊本壓訛墨據抄
宋本改

第三頁前一行凡耕桑田注下刊本共闕大文小
注十九行並據抄宋本增補

第四頁後六行各養蠶之器刊本各訛名據抄宋
本改又曲箔也植槌也后妃齋戒親帥十二字

刊本脫又為散情刊本散情訛敢情並據抄宋本及禮記鄭注增改

第五頁後一行原蠶一歲再登刊本蠶下行而字據抄宋本刪

第七頁前五行具用豈徒絲繭而已哉刊本脫繭字據抄宋本增

第八頁前三行候看熟則去火刊本看訛者火訛穴並據抄宋本改

第八頁前四行脫遇天寒刊本脫訛晚又易練而
絲股刊本股訛朋並據抄宋本改

第九頁前一行扮榆可以為車轂刊本扮訛挾又
凡種者宜種刺扮兩種利益為多刊本宜訛直
扮訛挾益訛者並據抄宋本改

第十頁後三行不勞更種刊本更訛耕據抄宋本
改

第十一頁前五行且天性多曲長又遲緩凡屋材

松栢為上白楊次之榆為下也刊本且天訛直
木多曲下又脫長又遲緩十三字榆訛捐並據
抄宋本增改

第十一頁前八行斫取白楊枝刊本斫訛所據抄
宋本改

第十一頁後五行柴及棟梁椽柱在外刊本及棟
訛又作椽柱訛掃佳並據抄宋本改

第十二頁前五其其實三種則異刊本異訛其據

抄宋本改

第十二頁前七行復更摘取刊本下三字訛復眼
則據抄宋本改

第十三頁前二行雖勞而利大刊本脫利字據抄
宋本增

第十四頁後六行少枝葉青而壯刊本而訛無據
抄宋本改

第十七頁前六行爾雅云桐杼也刊本桐訛桐闕

杼也二字據抄宋本及爾雅增又案俗人呼杼
為椽刊本闕案俗二字杼訛杼又刻似斗故也
刊本闕斗字並據抄宋本增補

第十七頁前八行漫散椽子刊本闕子字又十年
中刊本闕十字並據抄宋本補

第十八頁前一行生亦不能滋茂刊本脫生字能
訛為並據抄宋本增改

第十九頁前五行入五月便種刊本便訛使據抄

宋本改

第二十四頁前一行收草宜併手力刊本併訛餅
力訛戶並據抄宋本改

第二十四頁後五行蟲而且脆也刊本而訛其據
抄宋本改

第二十四頁後六行水侵之木更益柔股刊本更
益訛皆亦據抄宋本改

第二十四頁後八行案柏之性刊本柏訛北又四

金史四庫全書
時皆得刊本時訛則並據抄宋本改

卷六第一頁後六行馬去害者刊本闕者字據抄
宋本補

第二頁後八行相馬五藏法刊本五訛不據抄宋
本改

第四頁前四行替後筋也刊本替後訛胃欲據抄
宋本改

第五頁後四行目中有火字者刊本脫中字字字

下又衍在字並據抄宋本增刪

第八頁後七行八腹帶者行千里刊本腹訛腸據
抄宋本改

第十一頁前八行令馬肥不啞苦江切刊本脫切
字據字書及抄宋本增

第十一頁後六行細挫芻欬擲揚去葉刊本欬訛
枚葉訛菜又勿令安厥下刊本勿訛仍並據抄
宋本改

第十二頁後三行以汁灌口刊本汁訛斗據抄宋

本改

第十四頁前二行嚼麻子塗之刊本闕麻字據抄

宋本補

第十四頁後一行東倒西倒者若東西橫地刊本
者訛若若巖並據抄宋本改

第十六頁前三行四行力柱欲得大而成又力柱

常車刊本柱並訛桂據抄宋本改

第十六頁前七行甯公所飯也刊本所字下脫飯也二字據抄宋本增

第十七頁後三行刺法生十餘日刊本生訛十十餘訛餘十又布裏齒脈碎之刊本衍用字又闕脈字之訛也並脈據抄宋本刪增

第十七頁後四行收羊必須老人刊本脫收字據抄宋本增

第十七頁後七行則空塵而蚰蛄也刊本闕蚰字

金匱要略卷之四
據抄宋本補

第十九頁前八行日夕母還乃出之刊本夕訛父

據抄宋本改

第二十頁前四行易為繁息刊本繁訛緊據抄宋

本改

第二十頁前八行直以手按核令破不以脚蹴刊

本按訛痛以訛破並據抄宋本改

第二十頁後三行天寒草枯刊本寒草訛氣寒據

抄宋本改

第二十頁後五行若不早放先擄者比竟日高刊
本闕早字又竟訛覺並據抄宋本改補

第二十四頁後三行若非家生刊訛將若非合作
一字據抄宋本改

第二十四頁後五行糟糠夏輒敗不停故刊本糠
字下闕夏輒二字不字下闕停故二字並據抄
宋本改

第二十五頁前一行蒸法索籠盛豚着甑中微火
蒸之汗出便罷刊本盛字下共脫豚着十二字
又不蒸則腦凍刊本腦字上共脫不蒸則三字
並據抄宋本增

第二十六頁前六行令難避兩刊本避兩訛閉兩
據抄宋本改

第二十七頁後四行一伏者得卵刊本得卵訛待
時據抄宋本改

第二十七頁後八行不爾不肯入窠刊本肯訛背
又喜東西浪生若獨著一窠刊本喜字下脫東
字著字下闕一字並據抄宋本增補

第二十八頁前八行羌立句切刊本羌下闕三字
據抄宋本補

第二十八頁後三行匪直之力致困刊本脫困字
據抄宋本增

第三十一頁前一行服食之家不可多噉刊本之


字下脫家字多字下闕噉字並據抄宋本增

第三十一頁前八行一名鴈喙刊本鴈字下闕喙

字據抄宋本補

第三十一頁後二行一名菱秋上子黑熟時刊本

名字下闕菱字黑字下闕熟字並據抄宋本補



校對官庶吉士臣徐如澍

謄錄監生臣張孝基

欽定四庫全書薈要

子部

齊民要術卷

七

八



詳校官主事臣陳本

齊民要術卷七

後魏
賈思勰
撰

貨殖第六十二

塗甕第六十三

造神麴并酒餅第六十四

白醪酒第六十五

笨麴餅酒第六十六

法酒第六十七

貨殖第六十二

范蠡曰計然云旱則資車水則資舟物之理也白圭曰
趣時若猛獸鷙鳥之發故曰吾治生猶伊尹呂尚之謀
孫吳用兵商鞅行法是也漢書曰秦漢之制列侯封君
食租歲率戶二百千戶之君則二十萬朝覲聘饗出其
中庶民農工商賈率亦歲萬息二千百萬之家則二十
萬而更徭租賦出其中故曰陸地牧馬二百蹏

孟康曰
五十匹

也蹠古
蹄字

牛蹠肉千

孟康曰一百六十七頭
牛馬貴賤以此為率

千足羊

師古曰凡

言千足者二百五十頭也

澤中千足羴水居千石魚陂

師古曰言有大陂養魚一

歲以斤兩為計

山居千章之楸

楸任方章者千枚也師古曰大材曰章解在百

官公卿表

安邑千樹棗燕秦千樹栗蜀漢江陵千樹橘淮北

滎南齊河之間千樹楸陳夏千畝漆齊魯千畝桑麻渭

川千畝竹及名國萬家之城帶郭千畝鍾之田

孟康曰一鍾受

六斛四斗師古曰一畝收鍾者凡千畝

若干畝梔茜

孟康曰茜草梔子可用染也

千畦

董韭此其人皆與千戶侯等諺曰以貧求富農不如工

工不如商刺繡文不如倚市門此言末業貧者之資也

師古曰言其易以得利也

通邑大都酤一歲千釀

師古曰千釀以釀酒

醢醬千

瓊胡雙反師古曰瓊長頭是也受十升

醬千儋

孟康曰儋甕也師古曰儋人儋之也一儋兩甕儋音

丁濫反

屠牛羊彘千皮販穀糶千鍾

師古曰謂常糶取而居之

新彙千

車船長千丈木千章

洪同方葉草材也舊將作大匠掌材者曰章曹椽

竹竿萬

个輶車百乘

師古曰輶車輕小車也

牛車千兩木器漆者千枚銅

器千鈞

鈞三十斤也

素木鐵器若梘齒千石

孟康曰百二十斤為石素木素

也器馬蹏噉千

師古曰噉口也蹏與口共千則為馬二百也噉江鈞反

牛千足羊彘

千雙僮手指千

孟康曰僮奴婢也古者無空手游口皆
有作務須手指故曰手指以別馬牛蹄

角也師古曰手指謂有
巧伎者指千則人百

筋角砂千斤其帛絮細布千鈞

文采千疋

師古曰文文緒也
帛之有色者曰采

榻布皮革千石

孟康曰榻
布白疊也

師古曰粗厚之布也其價賤故與皮
革同其量耳非疊白也榻者重厚貌

漆千大斗

師古曰
大斗者

異於量米粟之斗
也今俗猶有大量

藁麴鹽豉千合

師古曰麴藁以斤石
稱之輕重齊則為合

鹽豉則斗斛量之多少等亦為合者相配耦之言耳今
西楚荆沔之俗賣鹽豉各一斗則各為裹而相隨焉此

則合也說者不曉迺讀為升合之
合又改作占競為斛說失之遠矣

鮐魮千斤

師古曰鮐
海魚也魮

刁魚也飲而不食者鮐音胎又音落魮音薺又音才爾
反而說者妄讀鮐為夷非惟失於訓物亦不知音矣

鰕千石鮑千鈞

師古曰鰕勝魚也即今不著鹽而乾者也鮑今之鮑魚也鰕音輒勝音普各反

鮑音於業反而說者乃讀鮑為鮑魚之鮑音五回反失義遠矣鄭康成以為鮑於煖室乾之亦非也煖室乾之即鰕耳蓋今巴荆人所呼鮓魚者是也音居偃反秦始皇載鮑亂臭則是鮑魚耳而煖室乾者本不臭也煖音蒲北

聚粟千石者三之

師古曰三千石

狐貂裘千皮羔羊裘千

石

師古曰狐貂貴故計其數羔羊賤故稱其量也

旃席千具他果采千種

師古曰果

采謂於山野采取果實也

子貸金錢千貫節

孟康曰節節物賤也謂除估僧其

餘利比於千乘之家也師古曰僧者合會二家交易者也駟者其首率也駟音子朗反僧音工外反

貪賈

三之廉賈五之

孟康曰貪賈未當賣而賣未當買而買故得利少而十得其三廉賈貴乃賣賤

乃買故十得五也

亦比千乘之家此其大率也卓氏曰吾聞汶

山之下沃墜下有跋鴟至死不饑

孟康曰跋音蹲水鄉多鴟其山下有沃墜

灌漑師古曰孟說非也跋鴟謂芋也有根可食以充糧故無饑年華陽國志曰汶山郡都安縣有大芋如蹲鴟也諺曰富何卒耕水窟貧何卒亦耕水窟言下田能貧能富曹邴氏家起富至巨萬

然自父兄子弟勤約俯有拾仰有取

淮南子曰賈多端則貧工多技則窮心不一也

高誘曰賈多端

非一術工多技非一能故心不一也

塗甕第六十三

凡甕七月坏為上八月為次餘月為下凡甕無問大小

皆須塗治甕津則造百物皆惡悉不成所以時宜留意

新出窯及熟脂塗者大良若市買者先宜塗治勿使盛

水

未塗遇雨亦惡

塗法掘地為小圓坑

傍開兩道以引風火

生炭火於坑

中合甕口於坑上而熏之

火盛喜破微則難熱務令調適乃佳

數以手摸

之熱灼人手便下寫熟脂於甕中迴轉濁流極令周匝

脂不復滲

所蔭切

乃止

牛羊脂為第一好豬脂亦得伍人用麻子脂者誤人耳若脂不獨流

直一偏拭之亦不免津俗人釜土蒸甕者水氣亦不佳

以熱湯數斗著甕中滌盪

䟽洗之瀉卻滿盛冷水數日便中用

日時更洗淨
日曝令乾

造神麴并酒等第六十四

安麴在藏
瓜卷中

凡作三斛麥麴法蒸炒生各一斛炒麥黃莫令焦生麥
擇治甚令精好種各別磨磨欲細磨乾合和之七月取
甲寅日使童子著青衣日未出時面向殺地汲水二十
斛勿令人溷人長水亦可瀉却莫令人用其和麴之時
面向殺地和之令使絕強團麴之人皆是童子小兒亦
面向殺地有汙穢者不使不得令入室近團麴當日使

訖不得隔宿屋用草屋勿使用瓦屋地須淨掃不得穢
惡勿令濕畫地為阡陌周成四巷作麴人各置巷中假
置麴王王者五人麴餅隨阡陌比肩相布訖使主人家
一人為主莫令奴客為主與王酒脯之法濕麴王手中
為椀中盛酒脯湯餅主人三徧讀文各再拜其房欲得
板戶密泥塗之勿令風入至七日開當處翻之遷令泥
戶至二七日聚麴還令塗戶莫使風入至三七日出之
盛著甕中塗頭至四七日穿孔繩貫日曝欲得使乾然

後內之其餅麴手團二寸半厚九分

祝麴文

東方青帝土公青帝威神南方赤帝土公赤帝威神西方白帝土公白帝威神北方黑帝土公黑帝威神中央黃帝土公黃帝威神某年月某日辰朔日敬啟五方五土之神主人某甲謹以七月上辰造作麥麴數千百餅阡陌縱橫以辨疆界須建立五王各布封境酒脯之薦以相祈請願垂神力勤鑒所願使蟲類絕蹤穴蟲潛影

衣色錦布或蔚或炳殺熱火熅以烈以猛芳越椒熏味
超和鼎飲利君子既醉既逞惠彼小人亦恭亦靜敬告
再三格言斯整神之聽之福應自冥人願無為希從畢
永急急如律令祝三遍各再拜

造酒法全餅麴曬經五日許日三過以炊帚刷治之絕
令使淨若遇好日可三日曬然後細刷布帔盛高屋厨
上曬經一日莫使風土穢汙乃平量麴一斗白中擣令
碎若浸麴一斗與五升水浸麴三日如魚眼湯沸酸米

其米絕令精細淘米可二十徧酒飯人狗不令噉淘米及炊釜中水為酒之具有所洗浣者悉用河水佳也

若作秣黍米酒一斗麴殺米二石一斗第一酸米三斗停一宿酸米五斗又停再宿酸米一石又停三宿酸米三斗其酒飯欲得弱炊炊如食飯法舒使極冷然後納之

若作糯米酒一斗麴殺米一石八斗唯三過酸米畢其炊飯法直下饋不須報蒸其下饋法出饋甕中取釜下

沸湯澆之僅沒飯便止

此元僕射家法

又造神麴法其麥蒸炊生三種齊等與前同但無復阡陌酒脯湯餅祭麴王及童子手團之事矣預前事麥三種合和細磨之七月上寅日作麴漉欲剛擣欲粉細作熟餅用圓鐵範令徑五寸厚一寸五分於平板上令壯士熟踏之以棧刺作孔淨揣東向開戶屋布麴餅於地閉塞窗戶密泥縫隙勿令通風滿七日翻之二七日聚之皆還密泥三七日出外日中曝之令燥麴成矣任意舉

閤亦不用甕盛甕盛者則麴烏腹烏腹者遠孔黑爛若
欲多作者任人耳但須三麥齊等不以三石為限此麴
一斗殺米三石笨麴一斗殺米六斗省費懸絕如此用
七月七日焦麥麴及春酒麴皆笨麴法

造神麴黍米酒方細剉麴曝曝之麴一斗水九斗米三
石須多作者率以此加之其甕大小任人耳桑欲落時
作可得周年停初下用米一石次酸五斗又四斗又三
斗以漸待米消即酸無令勢不相及味足沸定為熟氣

味雖正沸未息麴勢未盡宜更酸之不酸則酒味苦薄
矣得所者酒味輕香實勝凡麴初釀此酒者率多傷薄
何者猶以凡麴之意忖度之盖用米既少麴勢未盡故
也所以傷薄耳不得令猪狗見所以專取桑落時作者
黍必令極冷也

又神麴法以七月上寅日造不得令雞狗見及食看麥
多少分為三分蒸炒二分正等其生者一分一石上加
一斗半各細磨和之漉時微令剛足手熟揉為佳使童

男小兒餅之廣三寸厚二寸須西廂東向開戶屋中淨
掃地地上布麴十字立巷令通人行四角各造麴奴一
枚訖泥戶勿令泄氣七日開戶翻麴還塞戶二七日聚
又塞之三七日出之作酒時治麴如常法細剉為佳
造酒法用黍米一斛神麴二斗水八升米初下米五斗
必令五六十遍淘之二醖七斗米三醖八斗米滿二石
米已外任意斟酌然要須米微多米少酒則不佳冷煖
之法悉如常釀要在精細也

神麴粳米醪法春月釀之燥麴一斗用水七斗粳米二石四斗浸麴發如魚眼湯淨淘米八斗炊作飯舒令極冷以毛袋漉去麴滓又以絹濾之麴汁於甕中即醖飯候米消又醖八斗消盡又醖八斗凡三醖畢若猶苦者更以二斗醖之此合醕飲之可也

又作神麴方以七月中旬已前作麴為上時亦不必要須寅日二十日已後作者麴漸弱凡屋皆得作亦不必要須東向開戶草屋也大率小麥生炒蒸三種等分曝

蒸者令乾三種合和碓𦵿淨簸擇細磨羅取麩更重磨
唯細為良麤則不好剉胡菜煮三沸湯待冷接取清者
漉麪以相著為限大都欲小剛勿令太澤擣令可團便
止亦不必滿千杵以手團之大小厚薄如蒸餅劑令下
微浥浥刺作孔丈夫婦人皆團之不必須童男其屋預
前數日數著猫塞鼠窟泥壁令淨掃地布麪於地上作
行伍勿令相逼當中十字阡陌使通容人行作麪王五
人置之於四方及中央中央者面南四方者面皆向內

酒脯祭與不祭亦相似今從省市麩訖閉戶密泥之勿使漏氣七日開戶翻麩還著本處泥閉如初二七日聚之若止三石麥麩者但作一聚多則分為兩泥閉如初三七日以麻繩穿之聚五十餅為一貫懸著戶內開戶勿令見日五日後出著外許懸之晝日曬夜受露霜不須覆蓋久停亦爾但不用被雨此麩得三年停陳者彌好

神麩酒方淨掃刷麩令淨有土處刀削去必使極淨及

斧背椎破大小如棗栗斧刀則殺小用故紙糊席曝之夜乃勿收令受霜露風陰則收之恐土汙及雨潤故也若急須者麴乾則得從容者經二十日許受霜露彌令酒香麴必須乾潤濕則酒惡春秋二時釀者皆得過夏熟桑落時作者及勝於春桑落時稍冷初浸麴與春同及下釀則茹甕止取微煖勿太厚太厚則傷熟春則不須置甕於塼上秋以九月或十九日收水春以正月十五日或以晦日及二月二日收水當日即浸麴此四日

為上時餘日非不得作恐不耐久收水法河水第一好
遠河者取極甘井水小鹹則不佳

清麴法春十一日或十五日秋十五日或二十日所以
爾者寒煖有早晚故也但候麴香沫起便下釀過久麴
生衣則為失候失候則酒重鈍不復輕香米必細粳淨
淘三十許遍若淘米不淨則酒色重濁大率麴一斗春
用水八斗秋用水七斗秋殺米三石春殺米四石初下
釀用黍米四斗再餽弱炊必令均熟勿使堅剛生開也

於席上攤黍令極冷貯出麴汁於盆中調和以手搗破之無塊然後內甕中春以兩重布覆秋於布上加氈若值天寒亦可加草一宿再宿候米消更酸六斗第三酸用米或七八斗第四第五第六酸用米多少皆候麴勢強弱加減之亦無定法或再宿一酸三宿一酸無定準惟須消化乃酸之每酸皆挹取甕中汁調和之僅得和黍破塊而已不盡貯出每酸即以酒杷遍攪令均調和然後蓋甕雖言春秋二時殺米三石四石然須善候麴

勢麴勢未窮米猶消化者便加米唯多為良世人云米過酒甜此乃不解法候酒冷沸止米有不消者便是麴勢盡酒若熟矣押出清澄竟夏直以單布覆甕口斬席蓋布上慎勿甕泥甕泥封交即酢壞冬亦得釀但不及春秋耳冬釀者必須厚茹甕覆蓋初下釀則黍小煖下之一發之後重酸時還攤黍使冷酒發極煖重釀煖黍亦酢矣其大甕多釀者依法加倍之其糠滓雜用一切無忌

河東神麴方七月初治麥七日作麴七日未得作者七月二十日前亦得麥一石者六斗炒三斗蒸一斗生細磨之桑葉五分蒼耳一分艾一分茱萸一分若無茱萸野蓼亦得用合煮取汁令如酒色漉出滓待冷以和麴勿令太澤擣千杵餅如丸麴方範作之

卧麴法先以麥麴布地然後著麴訖又以麥麴覆之多作者可用箔槌如養蠶法覆訖閉戶七日翻麴還以麥麴覆之二七日聚麴亦還覆之三七日甕盛後經七日

然後出曝之

造酒法用黍米麴一斗殺米一石秫米令酒薄不任事
治麴必使表裏四畔孔內悉皆淨削然後細剉令如棗
栗曝使極乾一斗麴用水一斗五升十月桑落初凍則
收水釀者為上時春酒正月晦日收水為中時春酒河
南地煖二月作河北地寒三月作大率用清明節前後
耳初凍後盡年暮水脉既定收取則用其春酒及餘月
皆須煮水為五沸湯待冷浸麴不然則動十月初凍尚

煖未須茹甕十一月十二月須黍穰茹之浸麴冬十日
春七日候麴發氣香沫起便釀隆冬寒厲雖日茹甕麴
汁猶凍臨下釀時宜澆出凍凌於釜中融之取液而已
不得令熱凌液盡還瀉著甕中然後下黍不爾則傷冷
假令甕受五石米者初下釀止用米一石淘米須極淨
水清乃止炊為饋下著空甕中以釜中炊湯及熟沃之
令饋上水深一寸餘便止以盆合頭良久水盡饋極
熟軟便於席上攤之使令貯汁於盆中搗黍令破瀉著

甕中復以酒耙攪之每酸皆然唯十一月十二月天寒
水凍黍須人體煖下之桑落春酒悉皆冷下初冷下者
酸亦冷初煖下者酸亦煖不得迴易冷熱相雜次酸八
斗次酸七斗皆須候麴蘖強弱增減耳亦無定數大率
中分半米前作沃饋半後作再餉黍純作沃饋酒便麤
再餉黍酒便輕香是以須中半耳各釀六七酸春作七
八酸冬欲酒煖春欲酒冷酸米太多則傷熱不能久春
以單布覆甕冬用薦蓋之冬初下釀時以炭火擲著甕

中投刀橫於甕上酒熟乃去之冬釀十五日熟春釀十日熟至五月中甕別挹盛於日中炙之好者不動惡者色變色變者宜先飲之好者留過夏但合醕停須臾便押出還得與桑落時相接地窖著酒令酒土氣唯連簷草屋中居之為佳瓦屋亦熟作麴浸麴炊釀一切悉用河水無手力之家乃用甘井水耳

淮南萬畢術曰酒薄復厚漬以莞蒲

斷滿漬酒中有項出之酒則厚矣

凡冬月釀酒中冷不發者以瓦瓶盛熟湯堅塞口又於

釜湯中煮瓶令極熱引出著酒甕中須臾即發

白醪麴第六十五

皇甫吏部家法

作白醪麴法取小麥三石一石熬之一石蒸之一石生三等合和細磨作屑煮胡葉湯經宿使冷和麥屑擣令熟踏作餅圓鐵作範徑五寸厚一寸餘牀上置箔箔上安蘆蔭蘆蔭上置桑薪灰厚二寸作胡葉湯令沸籠子中盛麴五六餅許著湯中少時出卧置灰中用生胡葉覆上以經宿勿令露濕特覆麴薄徧而已七日翻二七

日聚三七日收曝令乾作麴密屋泥戶勿令風入若以
牀小不得多著麴者可四角頭堅槌重置掾箔如養蠶
法七月作之

釀白醪法取糯米一石令水淨淘漉出著甕中作魚眼
沸湯浸之經一宿米欲絕酢炊作一餹飯攤令絕冷取
魚眼湯沃浸米泔二斗煎取六升著甕中以竹掃衝之
如茗渤復取水六斗細羅麴末一斗合飯一時內甕中
和攪令飯散以鹽物裹甕并口覆之經宿米消取生疎

布漉出糟別炊好糯米一斗作飯熟著酒中為汎以單
布覆甕經一宿汎米消散酒味備矣若天冷停三五日
彌善一釀一斛米一斗麴末六斗水六升浸米漿若欲
多釀依法別甕中作不得併在一甕中四月五月六月
七月皆得作之其麴預三日以水洗令淨曝乾用之

笨麴餅酒第六十六

笨符
本切

作秦州春酒麴法七月作之節氣早者望前作節氣晚
者望後作用小麥不蟲者於大鑊釜中炒之炒法釘大

概以繩緩縛長柄七匙著概上緩火微炒其著是如挽
棹上連疾攪之不得暫停停則生熟不均候麥香黃便
出不用過焦然後簸擇治令淨磨不求細細者酒不斷
麤剛強難押預前數日刈艾擇去雜草曝之令萎勿使
有水露氣漉欲剛灑水欲均初漉時手搦不相著者佳
漉訖聚置經宿來晨熟擣作木範之令餅方一尺厚二
寸使壯士熟踏之餅成刺作孔豎搥布艾掾上卧麴餅
艾上以艾覆之大率下艾欲厚上艾稍薄密閉窗戶三

七日麴成打破看餅內乾燥五色衣成便出曝之如餅中未燥五色衣未成更停三五日然後出反覆日曬令極乾然後高厨上積之此麴一斗殺米七斗

作春酒法治麴欲淨剉麴欲細曝麴欲乾其法以正月晦日多取河水井水苦鹹不堪淘米下饋亦不得大率一斗麴殺米七斗用水四斗率以此加減之十七石甕惟得釀十石米多則溢出作甕隨大小依法加減浸麴七八日始發便下釀假令甕受十石米者初下以炊米

兩石為再餹黍黍熟以淨席薄攤令冷塊大者擘破然後下之沒水而已勿更撓勞待至明旦以酒耙攪之自然解散也初下即搗者酒喜厚濁下黍訖以席蓋之已後間一日輒更酸皆如初下法第二酸用米一石七斗第三酸用米一石四斗第四酸用米一石一斗第五酸用米一石第六酸第七酸各用米九斗計滿九石作三五日停著嘗之氣味足者乃罷若猶少味者更酸三四斗數日復嘗仍未足者更酸三二斗數日復嘗麴勢壯

酒仍苦者亦可過十石然必須看候勿使米過過則酒甜其七酸以前每欲酸時酒薄霍霍是麴勢盛也酸時宜加米與次前酸等雖勢極盛亦不得過次前一酸斛斗也勢弱酒厚者須減米三斗勢盛不加便為失候勢弱不減剛強不削加減之間必須存意若多作五甕已上者每炊熟即須均分熟黍令諸甕徧得若徧酸一甕令足則餘甕比候黍熟已失酸矣酸當令寒食前得再酸乃佳過此便稍晚若邂逅不得早釀者春水雖臭

仍自中用淘米必須極淨常洗手剔甲勿令手有鹹氣
則令酒動不得過夏

作醕法斷理來文布置法悉與春酒醕同然以九月
中作之大凡作醕七月最良然七月多忙無暇及此且
願麴然此醕九月作亦自無嫌若不營春酒醕者自可
七月中作之俗人多以七月初七日作之

崔寔亦曰六月六日七月七日可作麴其殺米多少與
春酒醕同但不中為春酒喜動以春酒醕作醕酒彌佳

也

作酏酒法八月九月中作者水定難調適宜煎湯三四沸待冷然後浸麴酒無不佳大率用水多少酸米之節略準春酒而須以意消息之十月桑落時者酒氣味頗類春酒

河東酏白酒法六月七月作用笨麴陳者彌佳剉治細剉麴一斗熟水三斗黍米七斗麴殺多少各隨門法常於甕中釀無好甕者用先釀酒大甕淨洗曝乾側甕著

地作之旦起煮甘水至日午令湯色白乃止量取三斗著盆中日西淘米四斗使淨即浸夜月炊作再餛飯令四更中熟下黍飯席上薄攤令極冷於黍飯初熟時浸麴向曉昧旦日未出時下釀以手搗破塊仰置勿蓋日西更淘三斗米浸炊還令四更中稍熟攤極冷日未出前酸之亦搗塊破明日便熟押出之酒氣香美乃勝桑落時作者六月中唯得作一石米酒停得三五日七月半後稍稍多作於北向戶大屋中作之第一如無北向

戶屋於清涼處亦得然要須日未出前清涼時下黍日出已後熟即不成一石米者前炊五斗半後炊四斗半笨麴桑落酒法預前淨剉麴細剉曝乾作釀池以藁茹甕不如甕則酒甜用穰則大熟黍米淘須極淨以九月九日未出前收水九斗浸麴九斗當日即炊米九斗為饋下饋著空甕中以釜內炊湯及熟沃之令饋上游水深一寸餘便止以盆合頭良久水盡饋熟極軟瀉著席上攤之令冷挹取麴汁於甕中搗塊令破瀉甕中復以

酒耙攪之每醖皆然兩重布蓋甕口七日一醖每醖皆用米九斗隨甕大小以滿為限假令六醖半前三醖皆用沃饋半後三醖作再餉黍其七醖者四炊沃饋三炊黍飯甕滿好熟然後押出香美勢力倍勝常酒

笨麴白醪酒法淨削治麴曝令燥清麴必須累餅置水中以水沒餅為候七日許搗令破漉出滓炊糯米為黍攤令極冷以意醖之且飲且醖乃至盡粳米亦得作作時必須寒食前令得一醖之也

蜀人作醪酒法

醪音塗

十二月朝取流水五斗漬小麥麴

二斤密泥封至正月二月凍釋發漉去滓但取汁三斗殺米三斗炊作飯調強軟合和復密封數十日便熟合滓餐之甘辛滑如甜酒味不能醉人人多啖溫溫小煖而面熱也

梁米酒法凡梁米皆得用赤梁白梁者佳春秋冬夏四時皆得作淨治麴如上法笨麴一斗殺米六斗神麴彌勝用神麴量殺多少以意消息春秋桑葉落時麴皆細

剉冬則擣末下絹漚大率一石米用水三斗春秋桑落
三時冷水浸麴麴發漚去滓冬即蒸甕使熟穰茹之以
所量水煮少許梁米薄粥攤待溫溫以浸麴一宿麴發
便炊下釀不去滓看釀多少皆平分米作三分一分一
炊淨淘弱炊為再餉攤令溫溫煖於人體便下以耙攪
之盆合泥封夏一宿春秋再宿冬三宿看米好消更炊
酸之還封泥第三酸亦如之三酸畢後十日便好熟押
出酒色漂漂與銀光一體薑辛桂辣蜜甜膽苦悉在其

中芬芳酷烈輕雋適爽超然獨異非黍稷之儔也

糴米耐法

耐音宙

淨治麴如上法笨麴一斗殺米六斗神

麴彌勝用神麴者隨麴殺多少以意消息麴擣作末下

絹筵計六斗米用水一斗從釀多少率以此加之米必

須粳淨淘米清乃止即經宿浸置明旦碓擣作粉稍稍

箕簸取細者如饀粉法訖以所量水煮少許糴粉作薄

粥自餘粉悉於甑中乾蒸令氣好餽下之攤令冷以麴

末和之極令調均粥溫如人體時于甕中和粉痛拌使

均柔令相著亦可椎打如椎麴法摩破塊內著甕中盆
合泥封裂則更泥封勿令漏氣正月作至五月大雨後
夜暫開看有清中飲還泥封至七月好熟接飲不押三
年停之亦不動一石米不過一斗糟悉著甕底酒盡出
時水硬糟肥欲似石灰酒色似麻油甚醖先能飲好酒
一斗者唯禁得升半飲三升大醉三升不澆大醉必死
凡人大醉酩酊無知身體壯熱如火者作熱湯以冷解
名曰生熟湯湯令均小熱得通人手以澆醉人湯淋處

即冷不過數斛湯迴轉翻覆通頭面痛淋須更起坐與人此酒先問飲多少裁量與之若不語其法口美不能自節無不死矣一斗酒醉二十人得者無不傳餉親知以為恭

黍米耐法亦以正月作七月熟淨治麴搗末絹漚如上法笨麴一斗殺米六斗用神麴彌佳亦隨麴殺多少以意消息米細師淨淘弱炊再餉黍攤冷以麴末於甕中和之按令調均擘破塊著甕中盆合泥封五月暫開悉

同糴耐法芬香美釀皆亦相似釀此二醞常宜謹慎多喜殺人以飲少不言醉死正疑藥殺尤須節量勿輕飲之

粟米酒法唯正月得作餘月悉不成用笨麴不用神麴粟米皆得作酒然青穀米最佳治麴淘米必須細淨以正月一日日未出前取水日出即曬麴至正月十五日擣麴作末即浸之大率麴末一斗堆量之水八斗殺米一石米平量之隨甕大小率以此加以向

滿為度隨米多少皆平分為四分從初至熟四炊而
已預前經宿浸米令液以正月晦日向暮炊釀正作
饋耳不為再餽飯欲熟時預前作泥置甕邊饋熟即
舉甕就甕下之速以酒杷就甕中攪作三兩遍即以
盆合甕口泥密封勿令漏氣看有裂處更泥封七日
一酸皆如初法四酸畢四七二十八日酒熟此酒要
須用夜不得白日四度酸者及初押酒時皆迴身暎火
勿使燭明及度酒熟便堪飲未急待且封置至四五

月押之彌佳押訖還泥封須便擇取陰屋貯置亦得度夏氣味香美不減黍米酒貧薄之家所宜用之黍米貴而難得故也

又造粟米酒法預前細剉麴曝令乾末之正月晦日日未出時收水浸麴一斗麴用水七斗麴發便下釀不限日數米足便休為異耳自餘法用一與前同

作粟米爐酒法五月六月七月中作之倍美受兩石以下甕子以石子二三升蔽甕底夜炊粟米飯即攤之令

冷夜得露氣雞鳴乃和之大率米一石殺麴末一斗春酒糟末一斗粟米飯五斗麴殺若多少計須減飯和法痛按令相雜填滿甕為限以紙蓋口搏押上勿泥之恐大傷熱五六日後以手內甕中看令無熱氣便熟矣酒停亦得二十許日以冷水澆筒飲之醕出者歇而不美魏武帝上九醕法奏曰臣縣故令九醕春酒法用麴三十斤流水五石臘月二日清麴正月凍解用好稻米漉去麴滓便釀法引曰譬諸蟲雖久多完三日一釀滿九

石米正臣得法釀之常善其上清滓亦可飲若以九醞
苦難飲增為十釀易飲不病九醞用米九斛十釀用米
十斛俱用麴三十斤但米多少耳治麴淘米一如春酒
法

浸藥酒法以此酒浸五加木皮及一切藥皆有益神効
用春酒麴及笨麴不用神麴糖藩埋藏之勿使六畜食
治麴法須斫去四緣四角上下兩面皆三分去一孔中亦
刺去然後細剉燥曝末之大率麴末一斗用水一斗半

多作以此加之釀用黍必須細舂淘欲極淨水清乃止
用米亦無定方準量麴勢強弱然其米要須均分為七
分一日一酸莫令空闕闕即折麴勢力七酸畢便止熟
即押出之春秋冬夏皆得作如甕厚薄之宜一與春酒
同但黍飯攤使極冷冬即須物覆甕其所去之麴猶有
力不廢餘用耳

博物志胡椒酒法以好春酒五升乾薑一兩胡椒七十
枚皆搗末好美安石榴五枚押取汁皆以盡薑椒末及

安石榴汁悉內著酒中火煖取溫亦可冷飲亦可熱飲之溫中下氣若病酒苦覺體中不調飲之能者四五升不能者可二三升從意若欲增薑椒亦可若嫌多欲減亦可欲多作者當以此為率若飲不盡可停數日此胡人所謂單撥酒也

食經作白醪酒法生秣米一石方麴二斤細剉以泉水漬麴密蓋再宿麴浮起炊米三斗酸之使和調蓋滿五日乃好酒甘如乳九月半後可作也

作白醪酒法用方麴五斤細剉以流水三斗五升漬之
再宿炊米四斗冷酸之令得七斗汁凡三酸濟令清又
炊一斗米酸酒中攪令和解封四五日黍浮縹色上便
可飲矣

冬米明酒法九月清清稻米一斗擣令細末沸湯一石
澆之麴一斤末攪和三日極酢合二斗釀米炊之氣刺
人鼻便為大發攪成用方麴十五斤酸之米三斗水四
斗合和釀之也

夏米明酒法秣米一石麴三斤水三斗漬之炊三斗米
酸之凡三濟出炊一斗酸酒中再宿黍浮便可飲之

朗陵何公夏封清酒法細剉麴如雀頭先布甕底以黍
一斗次第用水五升澆之泥著日中七日熟

愈瘧酒法四月八月作用水一石麴一斤擣作末俱酸
水中酒酢煎一石取七斗以麴四斤須漿冷酸麴一宿
上生白沫起炊秣一石冷酸中三日酒成

作酈酒法

酈盧
丁反

以九月中取秣米一石六斗炊作飯以

水一石宿漬麴七斤炊飯令冷酸麴汁中覆甕多用荷
簍令酒香燥復易之

作和酒法酒一斗胡椒六十枚乾薑一分雞舌香一分
葷撥六枚下篴絹囊盛內酒中一宿蜜一升和之

作夏雞鳴酒法秫米二升煮作糜麴二斤擣合米和令
調以水五斗漬之封頭今日作明旦雞鳴便熟

作櫛酒法四月取櫛葉合花采之還即急抑著甕中六
七日悉使烏熟曝之煮三四沸去滓內甕中下麴炊五

斗米日中可燥手一兩抑之一宿復炊五斗米酸之便熟

柯施酒法

施良知反

二月二日取水三月三日煎之先攪麴

中水一宿乃炊黍米飯日中曝之酒成也

法酒第六十七

釀法皆用春酒麴其米糠滓汁饋飯皆不用人及狗鼠食之

黍米法酒預剉麴曝之令極燥三月三日秤麴三斤三

兩取水三斗三升浸麴經七日麴發細泡起然後取黍米三斗三升淨淘凡酒米皆欲極淨水清乃止法酒尤宜存意淘米不得淨則酒黑炊作再餽飯攤使冷著麴汁中搗黍令散兩重布蓋甕口候米消盡更炊四斗半米酸之每酸皆搗令散第三酸炊米六斗自此以後每酸以漸和米甕無大小以滿為限酒味醇美宜合醅飲食之飲半更炊米重酸如初不著水麴唯以漸加米還得滿甕竟夏飲之不能窮盡所謂神異矣

作當梁酒法當梁下置甕故曰當梁以三月三日日未
出時取水三斗三升乾麴末三斗三升炊黍米三斗三
升為再餹黍攤使極冷水麴黍俱時下之三月六日炊
米六斗酸之三月九日炊米九斗酸之自此以後米之
多少無復斗數任意酸之滿甕便止若欲取者但言偷
酒勿云取酒假令出一石還炊一石米酸之甕還復滿
亦為神異其糠瀋悉瀉坑中勿令狗鼠食之

杭米法酒糯米大佳三月三日取井花水三斗三升絹

籾麴末三斗三升秬米三斗三升稻米佳無者早稻米
亦得充事再餽弱炊攤令小冷先下水麴然後醖之七
日更醖用米六斗六升一七日更醖用米一石三斗二
升二七日更醖用米二石六斗四升乃止量酒備足便
止合醖飲者不復封泥令清者以盆密蓋泥封之經七
日便極清澄接取清者然後押之

食經七月七日作酒法方一石麴作煖餅編竹甕下羅
餅竹上密泥甕頭二七日出餅曝令燥還內甕中一石

米合得三石酒也

又法酒方焦麥麴末一石曝令乾煎湯一石黍一石合
糴令甚熟以二月二日收水即預煎湯停之令冷初醱
之時十日一醱不得使狗鼠近之於後無苦或八日六
日一醱會以偶日醱之不得隻日二月中節醱令足常
預煎湯停之醱畢以五升洗手蕩其米多少依焦麴殺
之

三九酒法以三月三日收水九斗米九斗焦麴末九斗

先曝乾之一時和之揉和令極熟九日一酸後五日一酸後三日一酸勿令狗鼠近之會以隻日酸不得以偶日也使三月中即令酸足常預作湯甕中停之酸畢輒取五升洗手蕩甕傾於酒甕中也

治酒酢法若十石米酒炒三升小麥令甚黑以絳帛再重為袋用盛之周築令硬如石安在甕底經二七日後飲之即迴

大州白墮麴方餅法穀三石蒸兩石生一石別磴之令

細然後合和之也桑胡葉艾葉各二尺圍長二尺許
合煮之使爛去滓取汁以冷水和之如酒色和麴燥濕
以意酌量臼中搗三千六百杵訖餅之安置煖屋牀上
先布麥稽厚二寸然後置麴上亦與稽二寸覆之閉戶
勿使露見風日一七日冷水濕手拭之令遍即翻之至
二七日一例側之三七日籠之四七日出置日中曝令
乾作酒之法淨削刮去垢打碎末令乾燥十斤麴殺米
一石五斗

作桑落酒法麴末一斗熟米二斗其米令精細淘淨水
清為度用熟水一斗限三醖便止漬麴候向發便醖不
得矣失時勿令小兒人狗食黍作春酒以冷水漬麴餘
同冬酒

齊民要術卷七

齊民要術卷八

後魏 賈思勰 撰

黃衣黃蒸及麩子第六十八

常滿鹽花鹽第六十九

作醬等法第七十

作醋等法第七十一

作豉等法第七十二

八和齋第七十三

作鮓等法第七十四

作脯腊等法第七十五

作羹臠第七十六

作蒸羔第七十七

胙腊煎消第七十八

菹緣等法第七十九

黃衣黃蒸及蕡第六十八

黃衣一名麥粿

作黃衣法

六月中取小麥淨淘訖於甕中以水浸之令醋流出熟蒸之揔箔上敷席置麥於上攤令

厚二寸許預前一日刈薤葉薄無薤葉者刈胡菜擇去雜草無令有水露氣候麥冷以胡菜覆之七月看黃衣色足便出曝之令乾去胡菜而已慎勿颺簸齊人喜當風颺去黃衣此大謬凡有所造作用麥麩者皆仰其衣為勢今反颺去之作物必不善

作黃蒸法

七月中取生小麥細磨之以水漉而蒸之氣留好熟便下之攤令冷布置覆蓋成就一如

麥麩法亦勿颺之慮其所損

作藥法

八月中作盆中浸小麥即傾去水日曝之一日一度著水即去之腳生布麥於席上厚二寸一

日一度以水澆之芽生便止即散收令乾勿使餅餅成則不復任用此煮白錫藥若煮黑錫即待芽生青成餅

然後以刀剝取乾之欲令飭如琥珀色者以大麥為其藁

孟子曰雖有天下易生之物一日曝之十日寒之未有能生者也

常滿鹽花鹽第六十九

造常滿鹽法

以不津甕受十石者一口置庭中石上以白鹽滿之以甘水沃之令上恒有游水須

用時挹取煎即成鹽還以甘水添之取一升添一升日曝之熱盛還即成鹽永不窮盡風塵陰雨則蓋天晴淨還仰若黃鹽鹹水者鹽汁則苦是以必須白鹽甘水

造花鹽印鹽法

五月中旱時取水二斗以鹽一斗投水中令消盡又以鹽投之水鹹極則鹽不

復消融易器淘治沙汰之澄去垢土瀉清汁於淨器中
鹽甚白不廢常用又一石還得八斗汁亦無多損好日
無風塵時日中曝令成鹽浮即便是花鹽厚薄光澤似
鍾乳久不接取即成印鹽大如豆粒四方千百相似而
成印輒沉澆取之花印一
鹽白如珂雪其味又美

作醬法第七十

十二月正月為上時二月為中時三月為下時用不津

甕

甕津則壞植酢者亦不中用之

置日中高處石上

夏雨無令水浸甕底以一鉗鐵一本

作生縮鐵釘子皆歲殺釘著甕底石下後雖有姪娠婦人食之醬亦不壞爛也

用春種烏豆

春

豆粒小而均晚

於大甕中燥蒸之氣餹半日許復貯出更

裝之迴在上居下

不爾則生熱不多調均也

氣餽周徧以灰覆之經

宿無令火絕

取乾牛屎圓累令中央空然之不烟勢類好炭者能多收常用作食既無灰塵又不

失火勝於草遠矣

齧看豆黃色黑極熟乃下日曝取乾

夜則聚覆無令

潤臨炊春去皮更裝入甑中蒸令氣餽則下一日曝之

明旦起淨簸擇滿臼舂之而不碎

若不重餽碎而難淨

簸揀去碎

者作熟湯於大盆中浸豆黃良久淘汰按去黑皮

湯少則添

慎勿易湯易湯則走失豆味令醬不美也

漉而蒸之

淘豆湯汁即煮細豆作醬以供旋食大醬則不

用一炊傾下置淨席上攤令極冷預前日曝白鹽黃蒸

草薺

居恆反

麥麴令極乾燥

鹽色黃者發醬苦鹽若潤濕令醬壞黃蒸令醬赤美薺令

醬芬芳薺按箴去草土麴及黃蒸各別搗細末篋馬尾羅彌好

大率豆黃三斗麴末一

斗黃蒸末一斗白鹽五升薺子三指一撮

鹽少令醬酢後雖加鹽無

復美味其用神麴者一升當笨麴三升殺多故也

豆黃堆量不槩鹽麴輕量平

槩三種量訖於盆中面向太歲和之

向太歲則無蛆虫也

攪令均

調以手痛按皆令潤徹亦面向太歲內著甕中手按令

堅以滿為限半則難熟盆蓋密泥無令漏氣熟便開之

臘月五七日正月二月四七日三月三七日

當縱橫裂周迴匝甕徹底生衣

悉貯出搗破塊兩甕分為三甕日未出前汲井花水於

盆中以燥鹽和之率一石水用鹽三斗澄取清汁又取

黃蒸於小盆內減鹽汁浸之接取黃滓漉去滓合鹽汁

瀉著甕中

率十石醬黃蒸三斗鹽水多少亦無定方醬如薄粥便是豆乾水故也

仰甕口

曝之

諺曰姜蕤葵日乾醬言其美矣

十日內每日數度以杷徹底攪之

十日後每日輒一攪三十日止雨即蓋甕無令水入

水入

則生蟲

每經雨後輒須一攪解後二十日堪食然要百日

始熟耳

術曰若為妊娠婦人壞醬者取白菜辣子著甕中則還

好俗人用孝杖攪醬及
炙甕醬雖回而胎損乞人醬時以新汲水一盞和而

與之令醬不壞

肉醬法牛羊麋鹿兔肉皆得作取良殺新肉去脂細剉

陳肉乾者不任
用合時令醬膩曬麪令燥熟搗絹筴大率肉一斗麪末

五升白鹽二升半黃蒸一升曝乾熟搗
絹膩筴盤上和令均調

內甕子中有骨者和訖先搗然後盛之
骨多髓既肥膩醬亦然也泥封日曝寒月

作之於黍穰積中二十七日開看醬出無麪氣便熟矣買

新殺雉煮之令極爛肉銷盡去骨取汁待冷解醬

雞汁亦得

無用陳肉令醬膩無雞
雉好酒解之還著日中

作卒成肉醬法牛羊麋鹿兔肉生魚皆得作細剉肉一

斗好酒一斗麴末五升黃蒸末一升白鹽一斗

麴及黃
蒸並曝

乾絹篋唯一月三十日停
是以不須鹹鹹則不美

盤上調和令均擣使熟擘碎

如棗大作浪中坎火燒令赤去灰水澆以草厚蔽之令

甜中纔容醬瓶大釜中湯煮空瓶令極熱出乾掬肉內

瓶中令去瓶口三寸

滿則近
口者焦

碗蓋瓶口熟泥密封內草

中下土厚七八寸

土薄火熾則合醬焦熟遲氣味好焦是以寧冷不焦食雖便不復中食也

於上然乾牛糞火通夜勿絕明日用時醬出便熟

若未熟者

還覆置更然如初

臨食細切葱白著麻油炒葱令熟以和肉醬

甜美異常也

作魚醬法

鮐魚鱗魚第一好鯉魚亦中鱗魚鮐魚即全作不用切

去鱗淨洗拭令

乾如膾法披破縷切之去骨大率成魚一斗用黃衣三

升

一升全用二升作末白鹽二斤

黃鹽則苦

乾薑一升

末

橘皮一合

縷切

之
和令調均內甕子中泥密封日曝

勿令漏氣

熟以好酒解

之作魚醬肉醬皆以十二月作之則經夏無蟲

餘月亦得作但

喜生蟲不得度夏耳

乾鱗魚醬法

一名刀魚六月七月取乾鱗魚盆中水浸置屋裏一日三度易水三日好淨漉洗去

鱗全作勿切率魚一斗麴末四升黃蒸末一升無蒸用麥蘖末亦得白鹽二升半於槃中和令調均布置甕子泥封勿令漏氣二七日便熟味香美與生者無殊異

食經作麥醬法

小麥一石漬一宿炊卧之令生黃衣以水一石六斗鹽三升煮作鹵澄取八斗

著甕中炊小麥投之攪令調均覆著日中十日可食

作榆子醬法

治榆子仁一升搗末篩之清酒一升醬五升合和一月可食之

又魚醬法

成臈魚一斗以麴五升酒二升鹽三升橘皮二葉合和於瓶內封一日可食甚美

作蝦醬法

蝦一斗飯三升為糝鹽一升水五升和調日中曝之經春夏不敗

作燥脰

始蟬反

法

羊肉二斤猪肉一斤合煮令熟細切之薑五片橘皮兩葉雞子十一枚生羊肉

一斤豆醬清五合先取熟肉甑上蒸令熟和生肉醬清薑橘皮和之

生脰法

羊肉一斤猪肉白四兩豆醬清清之縷切生薑雞子春秋用蘇蓼著之

崔寔曰正月可作諸醬肉醬清醬四月立夏後鮰魚醬

五月可為醬上旬鰓

楚校切

豆中庾煮之以碎豆作末都

至六七月之交分以藏瓜可作魚醬

作鮓法

昔漢武帝逐夷至於海濱間有香氣而不見物令人推求乃是漁父造魚腸於坑中以至

土覆之法香氣上達取而食之以為滋味逐夷得此物因名之蓋魚腸醬也

取石首魚鮓魚鰯魚三種腸肚胞齊淨洗空著白鹽令小倍鹹內器中密封置日中夏二十日春秋五十日冬百日乃好熟時下薑酢等

藏蟹法九月內取母蟹

母蟹臍大圓竟腹下公蟹狹而長

得則水中勿

令傷損及死者一宿腹中淨

久則吐黃吐黃則不好

先煮薄糖

薄糖

錫著活蟹於冷糖甕中一宿著葱湯和白鹽特須極鹹

待冷甕盛半汁取糖中蟹內著鹽蓼汁中便死

蓼宜少著多則

爛

泥封二十日出之舉蟹臍著薑末還復臍如初內著
坭甕中百箇各一器以前鹽蓼汁澆之令沒密封勿令
漏氣便成矣特忌風裏風則壞而不美也

又法直煮鹽蓼湯甕盛詣河所得蟹則內鹽汁裏滿便
泥封雖不及前味亦好慎風如前法食時下薑末調黃
薑盛薑酢

作酢第七十一

酢者今醋也

凡酢甕下皆須安磚石以離濕潤為妊娠婦人所壞者車轍中乾土末淘著甕中即還好

作大酢法

七月七日取水作之大率麥甕二斗勿揚簸水三斗粟米熟飯三斗攤令冷任甕大小依

法加之以滿為限先下麥甕次下水次下飯直置勿攪之以綿幕甕口拔刀橫甕上一七旦著井花水一碗三七日旦又著一碗便熟常置一瓢瓢以挹酢若用濕器內甕中則壞酢味也

秫米神酢法

七月七日作置甕於屋下大率麥甕一斗水一石秫米三斗無秫者粘黍米亦中用

隨甕大小以向滿為限先量水浸麥甕訖訖然後淨淘米炊為再醅攤令冷細擘麵破勿令有塊子二頓下釀更不重投又以水就甕裏搗破小塊痛攪令和如粥乃止以綿幕口一七日一攪二七日一攪三七日亦二攪一月日極熟十石甕不過五斗澱得數年停久為驗其淘米泔即瀉去勿令狗鼠啖得食饋黍亦不得人啖

又法

亦以七月七日取水大率麥麵一斗水三斗粟米熟飯二斗隨甕大小以向滿為度水及黃衣當日

頻下之其飯分為三分七日初作時下一分當夜即沸又三七日更炊一分投之又三日復投一分但綿幕甕口無橫刀益水之事溢即加甑

又法

亦七月七日作大率麥麵一升水九升粟飯九升一時頻下亦向滿為限綿幕甕口三七日熟前件

二種酢例清沙澱多至十月終如壓酒法毛袋壓出則貯之其糟別甕水澄壓取先食也

粟米麴作酢法

七月二月向末為上時八月四月亦得作大率笨麴末一斗井花水一石粟米

飯一石明旦作酢今夜炊飯薄攤使冷日未出前汲井花水斗量著甕中量飯著盆中或拷棹中然後瀉飯著甕中瀉時直傾之勿以手撥飯水量麴末寫著飯上慎勿撓攪亦勿移動綿幕甕口三七日熟美釀少澱久停

彌好凡酢未熟已熟而移甕者率多壞矣熟則無忌接取清別甕著之

卷八

秫米醋法

五月五日作七月七日熟入五月則多收粟米飯醋醬以擬和釀不用水也漿以極醋為

佳末乾麴下絹篩經用梗秫米為第一黍米亦佳一石用麴末一斗麴多則醋不美唯再餹淘不用多遍初淘瀝汁瀉却其第二淘泔即餹以浸饋令飲泔汁盡重裝作再餹飯下揮去熟氣令如人體於盆中和之擘去飯塊以麴拌之必令均調下漿醋更搗破令薄粥粥稠則酢尅稀則味薄內著甕中隨甕大小以滿為限七日間一日一度攪之七日以外十日一攪三十日止初置甕於北蔭中風涼之處勿令見日時時沒冷水遍澆甕外引去熱氣但勿令生水甕中取十石甕不過五六斗糟耳接取清別甕貯之得停數年也

大麥酢法

七月七日作若七日不得作者必須收藏取七日水十五日作除此兩日則不成於屋裏

近戶裏邊置甕大率小麥甕一石水三石大麥細造一石不用作米則科麗是以用造簸訖淨淘炊作再餛飯揮令小煖如人體下釀以杷攪之綿幕甕口二日便發發時數攪不攪則生白醪則不好以棘子徹底攪之恐有人髮落中則壞醋悉爾亦去髮則還好六七日淨淘粟米五升亦不用過細炊作再餛飯亦揮如人體投之杷攪綿幕三四日看水清攪而嘗之味甘美則罷若苦者更炊三二升粟米投之以意斟量二七日可食三七日好熟香美淳醪一盞醋和水一碗乃可食之八月中接取清別甕貯之盃合泥頭得停數年未熟時二日三日須以冷水澆甕外引出熟氣勿令生水入甕中若用黍米投彌佳白倉粟米亦得

燒餅作酢法

亦七月七日大率麥甕一斗水三斗亦隨甕大小任人增加水甕亦當日頓下初作

日軟溲數升麵作燒餅待冷下之經宿看餅漸消盡更作燒餅投凡四五度後當味美沸定便止有薄緣諸麵

餅但是燒烤者皆得投之

迴酒酢法

凡釀酒失所味醋者或初好後動味壓者皆宜迴作酢大率五斗米酒醋更著麴末一斗

麥麴一斗并花水一石粟米飯二石攤令冷如人體投之把攪綿幕甕口每日再度攪之春夏七日熟秋冬稍遲皆美香清澄後一月接取別器貯之

動酒酢法

春酒壓訖而動不中飲者皆可作酢大率酒一斗用水三斗合甕盛置日中曝之雨則盆

蓋之勿令水入晴還去盆七日後當臭衣生勿得怪也但停置勿移動攪撓之數十日醋成衣沈反更香美日久彌佳

又方

大率酒兩石麥麴一斗粟米飯六斗少煖投之把攪綿幕甕口二七日熟美釀殊常矣

神酢法

要用七月七日合和甕須好蒸乾黃蒸一斛熟蒸餅三斛凡二物溫溫煖便和水多少要使

相淹漬水多則酢薄不好甕中用經再宿三日便壓之如壓酒法壓訖澄清內大甕中經三二日甕熱必以冷水澆之不爾酢壞其上有白醭浮接去之滿一月酢成可食初熟忌澆熱食犯之必壞酢若無黃蒸及餅者用麥麴一石粟米飯一斛合和之方與黃蒸同盛置如前法甕常以綿幕之不得蓋

作糟糠酢法

置甕於屋內春秋冬夏皆以糠茹甕下不茹則臭大率酒糟粟糠中半粗糠不任用

細則泥唯中間收者佳和糟糠必令均調勿令有塊先內荊葉竹於甕中然後下糠糟於甕外均平以手按之去甕口一尺許便止及冷水遠甕外均澆之候甕中水深淺半糟便止以蓋覆甕口每日四五度以碗杷取甕中汁澆四畔糟糠上三日後糟熱發香氣夏七日冬二七日嘗酢極甜味無糟糠氣便熟矣猶小苦者是未熟

更澆如初候好熟乃杞取篋中淳濃者別器盛更沒冷水澆淋味薄乃止淋法令當日即了糟任飼猪其初杞淳濃者夏得二十日乃止冬得六十日後淋澆考止得三五日供食也

酒糟酢法

春酒糟則壓願須糟亦中用然欲作酢者糟常濕者下壓糟極燥者酢味薄作法用石磴

子辣部著切谷令破以水拌而蒸之熟便下揮去熱氣與糟相拌必令其均調大率糟常居多和訖卧於酢甕中以向滿為限以綿幕甕口七日後酢香熟便下水令相淹漬經宿醋孔子下之夏日作者宜冷水淋之春秋作者宜溫卧以旅茹甕湯淋之以意消息之

作糟酢法

用春糟以水和粥破塊使厚薄如未壓須經三日壓取清水汁兩石許著熟粟米飯四斗

投之盆覆密泥二七日酢熟美釀得夏停之甕置屋下陰地之處

食經作大豆千歲苦酒法

用大豆一斗熟沃之漬令澤炊曝極燥以酒灌之任性多

少以此為率

作小豆千歲苦酒法

用生小豆六斗水沃着甕中黍米作饋覆豆上酒三石灌之綿幕甕

口二十日苦酢成

作小麥苦酒法

小麥三斗炊令熟者罽中以布密封其口七日開之以二石薄酒沃之可久長

不敗也

水苦酒法

取麴粗米各二斗清水一石清之一宿沸取汁炊米麴飯令熟極熟投甕中以清米汁隨

甕邊稍稍沃之勿使麴發飯起土張邊間中央板蓋其上下居十三日便醋

新成苦酒法

取黍米一斗水五升煮作粥麴一斤燒令黃槌破著甕底以熟好泥二日便醋已嘗

經試直醋亦不美以粟米一斗投之二七日後清澄美醖與大醋不殊也

烏梅苦酒法

烏梅去核一升許肉以五斤苦酒漬數日曝乾擣作屑欲食輒投水中即成醋耳

蜜苦酒法

水一石蜜一斗攪使調和蜜蓋甕口著日中二十日可熟也

外國苦酒法

蜜一斤水二合封著器中與少胡蓼子著中以辟得不生蟲正月作九月九日熟以

一銅七水添之可三十人食

崔寔曰四月四日可作酢五月五日亦可作酢

作豉第七十二

作豉法

先作煖蔭屋坎地深三二尺屋必以草蓋瓦則不佳密泥塞屋牖勿令風及蟲鼠入也間小戶

僅得容人出入厚作藁籬以閉戶四月五月為上時七月二十日後八月為中時餘月亦皆得作然冬夏大寒大熱極難調適大都在四時交會之際節氣未定亦難得所常以四孟月十日後作者易成而好大率常欲令溫如人腋下為佳若等不調寧傷冷不傷熱分則穰覆還煖熱則臭敗矣三間屋得作百石豆二十石為一聚常作者畱次相續常有熱氣春秋冬夏皆不須穰覆作少者唯至冬月乃穰覆豆耳極少者猶須十石為一聚若三五石不須煖難得所故須以十石為率用陳豆彌好新豆尚濕生熱難均故也淨揚簸大釜煮之中舒如飼生豆搗軟便止傷熟則豆爛漉著淨地揮之冬宜小煖夏須極冷乃內蔭屋中聚至一日再入以手刺豆堆中候看如人腋下煖便翻之法以杷杪略取堆裏冷豆為心堆之必以次更略乃至於盡冷者自然在內煖者

居外還作尖堆勿令婆陀一日再候中煖更翻還如前
法作尖堆若熱湯人手者即為久節傷熱矣凡四五度
翻內外均煖微著白衣於新翻訖時便小撥峰頭令平
團團如車輪豆輪厚二尺許乃止復以手候煖則還翻
翻訖以杷平豆漸薄厚一尺五寸許第三翻一尺第四
翻六寸厚豆便內外均煖悉著白衣或為初定從此以
後乃生黃衣復揮具令厚三寸便閉戶三日再入三日
閉戶復以杓東西作壠構豆如穀壠形今稀稈均調杓
剗法必令置地豆若著黃地即便爛矣構偏以杷構豆
常令厚二寸間日構之後豆著黃衣色均是出豆於屋
外淨揚簸去衣布豆尺寸之數蓋是大率中平之言矣
冷即微厚熱即須微薄尤須以意斟酌量之簸訖以大甕
盛之半甕水內豆著甕中以杷急拌之使淨若初煮豆
傷熱者急手拌淨則流出若初煮豆微生則拌淨宜小
停之使豆小軟則難熟太軟則鼓爛水多則難淨是以
正須半甕於兩流出著筐中令半筐許一人作筐一人

汲水於甕上就筐中淋急斗撒筐令極淨水清乃止淘
不潔淨令豉苦澆水盡委著席上先多收谷藏於此時
內谷藏於陰屋窖中招谷藏作窖底厚三二尺許以蓬
蔴蔽窖內豆於窖中使一人在窖中以脚躡豆令堅實
內豆盡掩席覆之以谷藏埋席上厚二三尺許復躡令
堅實夏停十日春秋十二三日冬十五日便熟過此往
則傷苦日數少者豉白而用費惟合熟自然香美矣若
自食欲久留不能數作者豆熟取出曝之令乾亦得周
年豉法難好易壞必須細意人常一日再看之失節傷
熟臭爛如泥猪狗亦不食其傷冷者雖還復煖豉味亦
惡是以又須留意冷煖宜適難於調酒如冬月初作者
先須以谷藏燒地令熟勿焦乃淨掃內豆於陰屋中則
令湯澆黍稷裏令煖潤以覆豆堆每翻竟還以初用黍
穰周匝覆蓋若冬作豉少屋冷裏覆亦不得煖者乃淨
須於陰屋之中內微然烟火令早煖不爾則寒矣春秋
量其寒煖熱冷亦宜覆之每人出皆還謹密閉戶勿令

泄其煖熱之氣也

食經作豉法

常夏五月至八月是時月也率一石豆熟

使敷冷地地惡者亦可席上敷之厚二寸許豆破則可
以青茅覆之亦厚二寸許三日視之要須通得黃為可
出茅又薄揮之以手指畫之作耕壟一日再三如此三
日作此可止更著煮豆取濃汁并林米女麴五升鹽五
升合此豉中以豆汁灑漉之令調以手搏令汁出指間
以此為度畢內餅中若不滿餅以矯桑葉滿之勿抑乃
密泥之中庭二十七日出排令燥更蒸之時煮矯桑葉
汁漉漉之乃蒸如炊熟久可復排之此二蒸曝則成

作家理食豉法

隨作多少精擇豆浸一宿且炊之與炊
米同若作一石豆熟取生茅卧之如作

女麴形二七日豆生黃衣簸去之更曝令燥復以水濕
令濕手搏之使汁出從指岐間出為佳以著甕器中掘

地作埵令足容甕器燒埵中令熱內甕著埵中以桑葉蓋甕上厚三寸許以物蓋如此三偏成

作麥豉法

七月八月中作之餘月則不佳味治小麥細磨為麪以水拌之而蒸氣餹好熟乃下揮之

令冷手按令細布置蓋亦如麥麪黃蒸法七日衣足亦勿簸揚以鹽湯周徧灑潤之要蒸氣餹極熟乃下揮去熱氣及煖內甕中盆蓋於甕中燠之二七日色黑氣香味便熟搏作小餅如神麪形繩穿為貫屋裏懸之紙袋盛籠以防青蠅塵垢之汙用時全餅著湯中煮之色足漉出削去皮粕還舉一餅得數遍煮用熟香美乃勝豆豉打破湯浸研用亦得然汁濁不如前全煮汁清也

八和齋

初稽反

第七十三

蒜一薑二橘三白梅四熟栗黃五粳米飯六鹽七醬八

齋曰欲重

不則傾動起塵
蒜復跳出也

底欲平寬而圓

底尖擣不著
則蒜有粗成

以檀木為齋白

梗米硬而
不染汙

杵頭大小與杵底相安可

頭杵

著處廣者省手力而
齋易熟蒜復不跳也

杵長四尺

入臼七八寸圓之
以上八稜作之

平立

急舂之

舂緩則葷臭久則易人舂齋宜久熟不可倉卒
久坐疲倦動則塵起又辛氣葷灼揮汗或能灑

汙是以須
立春之

蒜

淨剥掐去強根
以魚眼湯淨

反錄合半許半生用朝歌大蒜

辛辣常異宜分破去心
用之不然辣失其食味也

生薑

削去皮細切以冷水
和之生布絞去苦汁

可以香魚美蕪生薑用乾薑五升
齋用生薑一兩乾薑減半兩耳

橘皮

新者直用陳者
以湯洗去塵垢

無橘皮可用草橘子馬片子亦得用五升齋用一兩草
橘馬片子准此為度薑橘取其香味氣不須多多則味苦

白梅

作白梅法在梅杏篇用時合核用五升齋用八枚足矣

熟栗黃

諺曰金齋玉膳橘皮多則

不美故加栗黃取其金色又益美味甜五升齋用十枚栗用黃軟者硬黑者即不中使用也

粳米飯

膳齋必須濃故諺云倍着齊蒜多則辣故加飯取其甜美耳五升齋用飯如雞子許大

先擣白梅

薑橘皮為末貯出之次擣栗飯使熟以漸下生蒜

蒜頭難熟

故宜以漸生蒜難擣故須先下

春令熟次下渾蒜齋熟下鹽復春令沫

之起然後下白梅薑橘末復春令相得下醋解之

白梅薑橘

不先擣則不熟不貯出則為蒜所殺無復香氣是以臨熟乃下之醋必須好惡則齋苦大醋經年醞者先以水調和令得所然後下之慎勿著生水於中令齋辣而苦純著大醋不與水調醋復不得美也

右件法

止為臠齋耳餘即薄作不求濃臠魚肉裹長一尺者第一好太則皮厚肉硬不任食止可作鮓魚耳切臠人雖訖亦不得洗手洗手則臠濕要待食罷然後洗也

洗手則臠

濕物有自然相壓蓋亦燒穢殺氣之流其理難彰矣

食經曰冬日橘蒜齋夏日白梅蒜齋肉臠不用梅

作芥子醬法

先曝芥子令乾濕則用不密也淨淘沙研令極熟多作者可碓擣下絹篩然後水和

更研之也令悉著盆合著掃帚上少時殺其苦氣多停則冷無復辛味矣不停則太辛苦搏作圓子大如李成餅子任在人意也復乾曝然後絹囊沉之於美醬中須則取食其為齋者初殺訖即下美酢解之

食經作芥醬法

熟搗芥子細篩取屑著甕裏蟹眼湯洗之澄去上清後洗之如此三過而去其

苦微火上攪之少煑覆甕甕上以灰圍甕邊一宿則成以薄酢蓋厚薄任意

崔寔曰八月取韭菁作搗齋

作魚鮓第七十四

凡作鮓春秋為時冬夏不佳

寒時難熟熟則非鹹不成鹹復無味兼生蛆宜作裏

鮓取新鯉魚

魚唯大為佳瘦魚彌勝肥者雖美而不耐久肉長尺半已上皮膚骨堅硬不任為膾者

皆堪為鮓也

去鱗訖則齧齧形長二寸廣一寸厚五分皆使

齧別有皮

齧大長外以過熟傷醋不成任食中始可噉近骨上生腥不堪食常三分收一耳齧小則

均熟寸數者大率言爾亦不可要脊骨宜方斬其肉厚處薄狀皮肉薄處小復厚取肉嚮別斬過皆使有皮不宜令有無皮嚮也

手擲著盆水中浸洗去血嚮訖漉出更於清

水中淨洗漉著盤中以白鹽散之盛著籠中平板石上

迮去水

世名逐水鹽水不盡令酢嚮爛經宿迮者亦無嫌也

水盡炙一半嘗鹹淡

淡則更以鹽和糝鹹則空下糝不復以鹽按之

炊秬米飯為糝

飯欲剛不宜弱弱則爛酢

并

茱萸橘皮好酒於盆中合和之

攪令糝著魚乃佳茱萸全用橘皮細切並取香

氣不求多也無橘皮草橘子亦得用酒辟諸邪惡令鮮美而速熟大率一斗鮮用酒半升惡酒不用布魚

於甕中一行魚一行糝以滿為限腹腴居上

肥則不能久熟須先

食故

魚上多與糝以竹蒻交橫帖上

八重乃止無蒻菰
蘆葉並可用春冬

無葉時可
破葦代之

削竹插甕子口內交橫絡之

無竹用
荊也

著屋中

著日中火逼者患臭而不
美者穰厚茹勿令凍也

赤漿出傾却白漿出味酸便

熟食時手摩刀切則腥

作裏鮓法

嚮魚洗訖則鹽和糝十嚮為穰以荷葉裹之
唯厚為佳穿破則蟲入不復須水侵鎮連之

畢三日便熟名曰曝鮓荷葉別有一種香奇相發
起香氣又勝凡鮓有茱萸橘皮則用之亦無嫌也

食經作蒲鮓法

取鯉魚二尺以上削盡治之用
米三合鹽二合醃一宿厚與糝

作魚鮓法

剉魚畢便鹽醃一食頃漉汁令
盡更洗淨魚與飯裏不用鹽也

作長沙蒲鮓法

治大魚洗令淨厚鹽令魚不四五宿洗去鹽炊白飯清令見水中鹽飯穰清多

飯無苦

作夏月魚鮓法

鹽一斗鹽一升八合精米三升炊作飯酒二合橘皮薑半合茱萸二十顆仰著

器中多少以此為率

作乾魚鮓法尤宜春夏取好乾魚若爛者不中截却頭

尾煖湯淨疏洗去鱗訖復以冷水浸一宿一易水數日

肉起漉出方四寸斬炊粳米飯為糝嘗鹹淡得所取生

茱萸葉布甕子底少取生茱萸子和飯取香而已不必

多多則苦一重魚一重飯

飯倍多
早熟

手按令堅實荷葉閉

口

無荷葉取蘆葉無蘆葉乾蒻葉亦得

泥封勿令漏氣置日中春秋一月

夏二十日便熟久而彌好酒食俱入酥塗火炙特精脰之尤美也

作猪肉鮓法用肥猪肉淨爛治訖剔去骨作條廣五寸三分易水煮之令熟為佳勿令太爛熟出待乾切如鮓鱗片之皆令帶皮炊粳米飯為糝以茱萸子白鹽調和布置一如魚鮓法

糝欲倍多
令早熟

泥封置日中一月熟蒜齋

薑鮓任意所便脰之尤美矣

脯腊第七十五

作五味脯法正月二月九月十月為佳用牛羊麋鹿野

豬家豬或作條或作片罷

凡破肉皆須順理不用料

各自別槌牛羊

骨令碎熟者取汁掠去浮沫停之使清取香美豉

別以冷水

淘去塵穢

用骨汁煮豉色足味調漉去滓待下鹽

適口而已勿使過鹹

細切葱白擣令熟椒薑搗皮皆末之

量多少

以浸脯手揉

令透片脯三宿則出條脯須嘗看味徹乃出皆細繩穿於

屋北簷下陰乾條脯浥浥時數以手搦令堅實脯成置

虛靜庫中

著烟氣味苦

紙袋籠而懸之

置於窰則鬱浥若臘不籠則青蠅塵汙

月中作條者名曰豚脯堪度夏每取時先取其肥者肥者

臟不耐久

作度夏白脯法

臘月作最佳正月二月三月亦得作之

用牛羊麋鹿肉之

精者

肥不耐久

破作片罷冷水浸搦去血水清乃止以冷水

淘白鹽停取清水下椒末浸再宿出陰乾浥浥時以木

棒輕打令堅實

僅使堅實而已慎勿令碎肉出

瘦死牛羊及羔犢彌精

小羔子全浸之

先用煖湯淨洗無復腥氣乃浸之

作甜肥脯法

臘月取麋鹿肉片厚薄如手掌直陰乾下著鹽脆如凌雪也

作鯉魚脯法

一名鮓魚也

十一月初至十二月末作鹹湯令

極鹹多下薑椒末灌魚口以滿為度竹杖穿眼十箇一

貫口向上於屋北簷下懸之經冬令瘃至二月三月魚

成生剝取五臟酸醋浸食之雋美乃勝逐夷其魚草裹

泥封塘灰中燒

烏力切

之去泥草以皮布裹之而槌之白

如珂雪味又絕倫過飯下酒極是珍美也

作汔魚法

四時皆得作之

凡生魚悉中用唯除鮎鱖

上奴嫌反下胡化反

耳去直腮破腹作鰕淨疎洗不須鱗夏月時須多著鹽

春秋及冬調適而已亦須倚鹹兩兩相合冬直積置以

席覆之夏須甕盛泥封勿令蠅蛆

夏須鑽底數孔拔引去腥汁汁盡還塞

肉紅赤色便熟食時洗卻鹽煮蒸炮任意美於常魚作

醬燒煎

悉得

羹臠法第七十六

食經作芋子酸臠法猪羊肉各一斤水一斗煮令熟成

治芋子一升別蒸之葱白一升著肉中合煮使熟粳米
三合鹽一合豉汁一升苦酒五合口調其味生薑十兩
得臠一斗

作鴨臠法用小鴨六頭羊肉二斤大鴨五頭葱三升芋
二十株橘皮三葉木蘭五寸生薑十兩豉汁五合米一
升口調其味得臠一斗先以八升酒煮鴨也

作鼈臠法鼈具完全煮去甲藏羊肉一斤葱三升豉五
合粳米半合薑五兩木蘭一寸酒二升煮鼈臠苦酒口

調其味也

作豬蹄酸羹一斛法豬蹄三具煮令爛擘去大骨乃下葱頭豉汁苦酒鹽口調其味舊法用錫六斤今除也

作羊蹄臠法羊蹄七具羊肉十五斤葱三升豉汁五升米一升口調其味生薑十兩橘皮三葉

作兔臠法兔一頭斷大如棗水二升酒一升木蘭五分葱三升米一合鹽豉苦酒口調其味也

作酸羹法用羊腸二具錫六觔瓠葉六觔葱頭二升小

蒜三升麴三斤豉汁生薑橘皮口調之

作胡羹法用羊脇六斤又肉四斤水四升煮出脇切之
葱頭一斤胡荽一兩安石榴汁數合口調其味

作胡麻羹法用胡麻一斗擣煮令熟研取汁三升葱頭
二升米二合煮火上葱頭米熟得二升半在

作瓠葉羹法用瓠葉五斤羊肉三斤葱二升鹽蟻五合
口調其味

作鷄羹法雞一頭解骨肉相離切肉琢骨煮使熟漉去

骨以葱頭二升棗三十枚合煮羹一斗五升

作筭筭鴨羹法肥鴨一隻淨治如糝羹法羹亦如此筭

四升洗令極淨鹽盡別水煮數沸出之更洗小蒜白及

葱白豉汁等下之令沸便熟也肺膜蘇本反法羊肺一具

煮令熟細切別作羊肉臠以粳米二合生煮之

作羊盤腸雌斛法取羊血五升去中脉麻跡裂之細切

羊膀胱二升細切薑一觔橘皮三葉椒末一合豆醬一

升豉汁五合麴一升五合和米一升作糝都和合更以

水三升澆之解大腸淘汰復以白酒一過洗腸中屈申以和灌腸屈長五寸煮之視血不出便熟寸切以苦酒醬食之也

羊節解法羊肫一枚以水雜生米三升葱一虎口煮之令羊熟取肥鴨肉一斤羊肉一斤豬肉半斤合剉作臠下蜜令甜以向熟羊肫投臠裏更煮得兩沸便熟治羊合皮如豬狔法善矣

羌煮法好鹿頭純煮令熟著水中洗治作臠如兩指大

豬肉琢作臠下葱白長二寸一虎口細切薑及橘皮各半合椒少許下苦酒鹽豉適口一鹿頭用二斤豬肉作臠

食膾魚蓴羹毛羹之菜蓴為第一四月蓴生莖而未葉名作雉尾蓴第一作肥羹葉舒長足名曰絲蓴五月六月用絲蓴入七月盡九月十月內不中食蓴有蝸蟲著故也蟲甚細微與蓴一體不可識別食之損人十月水凍蟲死蓴還可食從十月盡至三月皆食環蓴環蓴者

根上頭絲蓴下及絲蓴既死上有根莖形似珊瑚一寸
許肥滑處任用深取即苦澀凡絲蓴陂池積水色黃肥
好直淨洗則用野取色青須別鐺中熱湯暫焯之然後
用不焯則苦澀絲蓴環蓴悉長用不切魚蓴等並冷水
下若無蓴者春中可用蕪菁英秋夏可畦種芮菰蕪菁
葉冬用薺菜以芼之蕪菁等宜待沸掠去上沫然後下
之皆少著不用多多則失羹味乾蕪菁無味不中用豉
汁於別鐺中湯煮一沸漉出滓澄而用之勿以杓捉拈

則羹濁過不清煮豉但作新琥珀色而已勿令過黑黑則醃苦唯蓴菜而不得著葱薑及米糲醋等蓴尤不宜鹹羹熟即下清冷水大率羹一斗用水一升多則加之益羹清雋甜美下菜豉鹽悉不得攪攪則魚蓴碎令羹濁而不能好

食經曰蓴羹魚長二寸唯蓴不切鯉魚冷水入蓴白魚冷水入蓴沸入魚與鹹豉又云魚長三寸廣二寸半又云蓴細擇以湯沙之中破破鯉魚邪截令蓴准廣二寸

橫盡也魚半體熟煮三沸渾下蓴與豉汁清鹽

醋菹鵝鴨羹方寸准熬之與豉汁米汁細切醋菹與之
下鹽半蓴下醋與菹汁

菰菌魚羹魚方寸准菰湯沙中出劈先煮菰令沸下魚又云
先下與魚菰菜蓴葱豉又云洗不沙肥肉亦可用半蓴之

苟思丑反筍古可反魚羹筍湯清令釋細劈先煮筍令煮沸

下魚鹽豉半蓴之

鯉魚臠用極大者一尺已下不合用湯鱗治邪截臠葉

方寸半淮豉汁與魚俱下水中與研米汁煮熟與鹽薑橘皮椒末酒鯉澀故須米汁也

鯉魚臠用大者鱗治方寸厚五分和煮如鯉臠與全米糝奠時去米粒半奠若過米奠不合法也

臉臠

上力減反
下初減反

用豬腸經湯出三寸斷之決破切細熬與

水沸下豉清破米汁葱薑椒胡芹小蒜芥並細切鍛下鹽醋蒜子細切將血奠與之早與血則變大可增米奠

鯉魚湯臠用大鯉一尺已上不合用淨鱗治及霍葉斜

截為方寸半厚二寸豉汁與魚俱下水中與白米糝煮
熟與鹽薑椒橘皮屑米半莫時勿令有糝

鮑臠湯燂

徐庶反

去腹中淨洗中解五寸斷之煮沸令變

色出方寸分准熬之與豉清研汁煮令極熟葱薑橘皮
胡芹小蒜並細切鍛與之下鹽醋半莫

鰓

七艷反

淡用肥鵝鴨肉渾米煮研為候長二寸廣一寸

厚四分許去大骨白湯別煮鰓經半日久漉出淅其中
杓迮去令盡羊肉下汁中煮與鹽豉將熟細切鍛胡芹

小蒜與之生熟如爛不與醋若無槵用菰菌用地菌黑裏不中槵大者中破小者渾用槵者樹根下生木耳要復接地生不黑者乃中用米奠也

損腎用牛羊百葉淨治令白齏葉切長四寸下鹽豉中不令大沸大熟則朐但令小卷止與二寸蘇薑末和肉漉取汁盤滿奠又用腎切長二寸廣寸厚五分作如上奠亦用入薑齏別奠隨之也

爛熟爛熟肉諧令勝刀切長三寸廣寸半厚三寸半將

用肉汁中葱薑椒橘皮胡芹小蒜並細切鍛并鹽醋與之別作臙臨用寫臙中和奠有沈將用乃下肉候汁中小久則變大可增之

治囊腫傷臙法取車轍中乾土末綿篩以兩重帛作袋子盛之繩繫令堅堅沈著鐺中須臾則淡便引出

蒸魚法第七十七

魚方
九切

食經曰蒸熊法取三升肉熊一頭淨治煮令不闕熊半熟以豉清漬之一宿生秣米二升勿近水淨拭以豉汁濃者二

升漬米令色黃赤炊作飯以葱白長二寸一升細切薑橘皮各二升鹽三合合和之著甑中蒸之取熟蒸羊肫鵝鴨悉如此一本用猪膏三升豉汁一升合灑之用橘皮一升

蒸狔法好肥肫一頭淨洗垢煮令半熟以豉汁漬之生秫米一升勿令近水濃豉汁漬米令黃色炊作饌復以豉汁灑之細切薑橘皮各一升葱白三寸四升橘葉一升合著甑中密覆蒸兩三炊久復以猪膏三升合豉汁一升灑便熟也蒸熊羊如狔法鵝亦如此

蒸雞法肥雞一頭淨治猪肉一斤香豉一斤鹽五合葱白半虎口蘇葉一寸圍豉汁三升著鹽安甑中蒸令極熟

無豬肉法淨煨豬訖更以熱湯遍洗之毛孔中即有垢出以草痛揩如此三遍疏洗令淨四破於大釜煮之以杓掠取浮脂別著甕中稍稍添水數數掠脂脂盡漉出破為四方寸鬻易水更煮下酒二升以殺腥臊青白皆得若無酒以酢漿代之添水掠脂一如上法脂盡無復腥氣漉出板初於銅鐺中無之一行肉一行擘葱渾豉白鹽薑

椒如是次第布訖下水煮之肉作琥珀色乃止恣意飽食

亦不餽

鳥驛切

乃勝燠肉欲得著冬瓜甘瓠者於銅器中布

肉時下之其盆中脂練白如珂雪可以供餘用者焉

無豚法肥豚一頭十五斤水三升甘酒三升合煮令熟漉
出擘之用稻米四升炊先裝薑一升橘皮二葉葱白三升
豉汁凍饋作糝令周醬清調味蒸之炊一石米頃下之也

無鵝法肥鵝治解臠切之長二寸率十五斤肉秫米四
升為糝先裝如無肫法訖以豉汁橘皮葱白醬清生薑

蒸之如炊一石米頃下之

胡炮

普教切

肉法肥白羊肉生始周年者殺則生縷切如

細菜脂亦切著渾豉鹽擘葱白薑椒葷撥胡椒令調適
淨洗羊肚翻之以切肉脂內於肚中以向滿為限縫合
作浪中坑火燒使赤脚灰火內肚著坑中還以灰火覆
之於上更燃炊一石米頃便熟香美異常非著炙之例
蒸羊法縷切羊肉一斤豉汁和之葱白一升著上合蒸
熟出可食之

蒸豬頭法取生豬頭去其骨煮一沸刀細切水中治之以清酒鹽肉蒸皆口調和熟以乾薑椒著上食之

作懸熟法豬肉十斤去皮切臍葱白一升生薑五合橘皮二葉秫三升豉汁五合調味蒸若七斗米頃下

食次曰熊蒸大剝大爛小者去頭脚開腹渾覆蒸熟擘之片大如手又云方二寸許豉汁煮秫米齏白寸斷橘皮胡片小蒜並細切鹽和糝更蒸肉一重間未盡令爛熟方六寸厚一寸奠合糝又云秫米鹽豉葱齏薑切鍛

為屑內熊腹中蒸熟擘奠糝在下肉在上又云四破蒸
令小熟宜肉糝用饋葱鹽豉和之下更蒸蒸熟擘糝在
下乾薑椒橘皮糝在下豚蒸如熊鵝蒸去頭如豚

裹蒸生魚方七寸准又云五寸准豉汁煮秫米如蒸熊生
薑橘皮胡片小蒜鹽細切熬糝膏油塗箸十字裹之糝在
上復以糝屈牖簾祖咸反之又云鹽和糝上下與細切生薑橘

皮葱白胡片小蒜置土簾箸蒸之既奠開箸櫛邊奠上毛蒸

魚菜白魚鱸音賓魚最上淨治不去鱗一尺已還渾鹽豉

胡芹小蒜細切著魚中與菜並蒸又魚方寸准亦云五六寸下鹽豉汁中即出菜上蒸之奠亦菜上蒸又云竹籃盛魚菜上又云竹蒸並奠

蒸藕法水和稻穰糟搗令淨研去節與蜜灌孔裏使滿搜蘇麵封下頭蒸熟除麵瀉去蜜削去皮以刀截奠之又云夏生冬熟雙奠亦得

胙腊煎消法第七十八

胙魚鮓法先下水鹽渾豉擘葱次下豬羊牛三種內腊

兩沸下鮓打破雞子四枚瀉中如淪雞子法雞子浮便熟食之

食經𩚑鮓法破生雞子豉汁鮓俱煮沸即奠又云渾用豉奠訖以雞子豉帖去鮓沸湯中與豉汁渾葱白破雞子寫中奠二升用雞子衆物是停也

五侯𩚑法用食板零拚雜鮓肉合水煮如作羹法

純蒸魚法一名𩚑魚用鱸魚治腹裏去腮不去鱗以鹹豉葱白薑橘皮鮓細切合煮沸乃渾葱白將熟下酢又

云切生薑令長剪時葱在上大奠一小奠若大魚成治
准此

脂雞一名炰雞一名雞臍以渾鹽豉葱白中截乾蘇微
火炙生蘇不炙與成治渾雞俱下水中熟煮出雞及葱
漉出汁中蘇豉澄令清擘肉廣寸餘奠之以煖汁沃之
肉若冷將奠蒸令煖滿奠又云葱蘇鹽豉汁與雞俱煮
既熟擘奠與汁葱蘇在上莫按下可增葱白令細也
脂白肉一名白焦肉鹽豉煮令向熟薄切長二寸半廣

一寸准甚薄下新水中與渾葱白小蒜鹽豉清又齏葉切長二寸與葱薑不與小蒜齏亦可

暗豬法

一名焦豬肉一名豬肉鹽豉

一如煮白肉之法

暗魚法用鯽魚渾用軟體魚不用鱗治刀細切葱與豉葱俱下葱長四寸將熟細切薑胡芹小蒜與之汁色欲黑無醋者不用椒若大魚方寸准得用軟體之魚大魚不好也

蜜純煎魚法用鯽魚治腹中不鱗苦酒蜜中半和鹽漬

魚一炊久漉出膏油熬之令赤渾莫馬勒鴨消細研熬
如餅臠熬之令小熟薑橘椒胡芹小蒜並細切熬黍米
糲鹽豉汁下肉中復熬令似熟色黑平滿莫兔雉肉次好
凡肉赤鯉皆可用勒鴨之小者大如鳩鴿色白也鴨煎
法用新成子鴨極肥者其大如雉去頭爛治却腥翠五
藏又淨洗細剉如籠肉細切葱白下鹽豉汁炒令極熟
下薑椒末食之

菹錄第七十九

食經曰白菹鵝鴨雞白煮者鹿骨研為淮長三寸廣一寸下杯中以成清紫菜三四片加上鹽醋和肉汁沃之又云亦細切須加上又云淮訖肉汁中更煮亦啖少與米糝凡下醋下紫菜滿奠焉

菹肖法用豬肉羊肉鹿肥者籬葉細切熬之與鹽豉汁細切菜菹菜細如小蟲絲長至五寸下肉裹多與菹汁令酢

蟬脯菹法槌之火炙令熟細擘下酢又云蒸之細切香

菜置上又云下沸湯中即出擘如上海菜蓼法

綠肉法用豬雞鴨肉方寸准熬之與鹽豉汁煮之葱薑
橘胡片小蒜細切與之下醋切肉名曰綠肉豬雞名曰
酸

白淪

淪煮也
音藥

肫法用乳下肥肫作魚眼湯下冷水和之

擘肫令淨罷若有麤毛鐮子拔去柔毛則剔之茅蒿葉
揩洗刀刮削令極淨淨揩釜勿令淪釜淪則肫黑絹袋
盛氈酢漿水煮之繫小石勿使浮出上有浮沫數掠去

兩沸急出之及熟以冷水沃豚又以茅蒿葉揩令極白
淨以少許麵和水為麵漿復絹袋盛紮繫石於麵漿中
煮之掠去浮沫一如上法好熟出著盆中以冷水和煮
臍麵漿使煖煖於盆中浸之然後擘食皮如玉色滑而
且美

酸臍法用乳下臍燂治訖并骨斬嚙之令片別帶皮細
切葱白豉汁炒之香微下水爛煮為佳下粳米為糲細
擘葱白并豉汁下之熟下椒醋大美

齊民要術卷八

謹案卷七第二頁前三行楸任方章者千枚也刊
本任方訛木千千訛大並據漢書貨殖傳注及
抄宋本改

第二頁前五行淮北榮南齊河之間千樹楸案齊
河史記漢書貨殖傳並作河濟北疑訛

第二頁前六行一鍾受六斛四斗刊本闕受字據
抄宋本及漢書貨殖傳注補

第二頁後五行僖將作大匠掌材者曰章曹據刊

本材者訛於著曰訛日並據抄宋本及史記正義貨殖傳注改

第四頁前四行富何卒耕水窟刊本脫富字窟字下又闕一字並據抄宋本增補

第六頁前八行願使蟲類絕蹤刊本蟲訛出據抄宋本改

第六頁後五行曬經五日許刊本曬訛曠據抄宋本改

第六頁後七行白中搆令碎刊本搆訛受據抄宋
本改

第七頁前一行淘米刊本米訛水據抄宋本改

第七頁前二行悉用河水佳也刊本河訛此據抄
宋本改

第八頁後二行酒味輕香實勝刊本勝訛暘據抄
宋本改

第八頁後六行看麥多少刊本看訛者據抄宋本改

第十二頁前八行然須善候趨勢刊本善訛蓋據

抄宋本改

第十二頁後五行必須厚茹覆蓋刊本必訛未
據抄宋本改

第十二頁後八行一切無忌刊本忌刊已據抄宋本改
第十四頁前七行令饋上水刊本水下仍衍水字
抄宋本刪

第十四頁後四行皆須候趨勢強弱增減耳刊本

纂訛藥據抄宋本改

第十六頁前六行著寬中刊本著訛者據抄宋本
改

第十六頁前八行經宿米消刊本米訛未據抄宋
本改

第十九頁前七行可作麴其殺米多少刊本麴其
訛其麴據抄宋本改

第二十頁後四行以九月九日刊本脫以字日字

金匱要略卷之二十一
下仍衍日字據抄宋本增刪

第二十二頁後八行時于甕中和粉痛評刊本脫
和字據抄宋本增

第二十三頁前五行欲似石灰酒色似麻油甚醲
刊本石灰訛灰石醲訛釀並據抄宋本改

第二十五頁前五行收水浸麴一斗麴用水七斗
刊本收字下脫水字斗字下闕二字又六行米
足便休刊本休訛體並據抄宋本增改

第二十五頁後一行殺麴末一斗刊本末訛米據

抄宋本改

第二十七頁前二行溫中下氣刊本脫溫字據抄

宋本增

第二十八頁前四行著日中七日熟刊本日下闕

中字據抄宋本補

第三十頁前一行作當梁酒法刊本酒法訛酒法

據抄宋本改

第三十一頁後四行輒取五升刊本取訛使據抄

宋本改

第三十一頁後七行飲之即迴刊本即迴訛迴即

據抄宋本改

卷八第二頁前五行氣餹好熟刊本餹訛脯據抄

宋本改

第二頁後二行一日曝之案今本孟子作暴與此

異

第二頁後五行以甘水沃之今上恒有潄水刊本
沃訛泛潄訛浙並據抄宋本改

第二頁後八行投水中令消盡刊本消訛清據抄
宋本改

第三頁前三行白如珂雪刊本雪訛雲據抄宋本
改

第五頁前七行醬亦然也刊本亦訛邪據抄宋本
改

第七頁後二行蓋魚膈醬也刊本蓋訛置據抄宋

本改

第八頁前四行風則壞而不美也刊本脫風字據

抄宋本增

第八頁前六行慎風如前法刊本慎訛值據抄宋

本改

第八頁後一行車轍中乾土刊本車轍訛磚輒據

抄宋本改

第八頁後三行直置勿攪之刊本勿訛物據抄宋
本改

第八頁後八行饋黍亦不得人啖刊本饋黍訛貴
漆據抄宋本改

第九頁前一行隨甕大小刊本甕訛飯據抄宋本
改

第九頁後三行麴多則醋不美刊本麴訛麴據抄
宋本改

第九頁後五行以麴拌之刊本麴訛麴據抄宋本改
第九頁後八行必須收藏刊本收訛取據抄宋本改
第十頁前四行看水清攪而嘗之刊本清刊消據
抄宋本改

第十一頁前二行便壓之如壓酒法刊本壓並訛
睦據抄宋本改

第十一頁後一行乃杞取篋中淳濃者刊本篋訛
復據抄宋本改

第十二頁前三行水沃著甕中刊本沃訛汰著訛
則並據抄宋本改

第十二頁後七行四月四日可作酢刊本脫四日
二字據抄宋本增

第十三頁前六行生熟難均故也刊本熟訛熟據
抄宋本改

第十三頁前七行傷熟則豆爛刊本熟訛熟據抄
宋本改

第十四頁前四行惟合熟自然香美刊本合熟訛
食此據抄宋本改

第十五頁後四行五行揮汗或能灑汗是以須立
春之刊本灑訛塵立字上行力字並據抄宋本
刪改

第十五頁後五行湊錄合反刊本錄訛礫又脫反
字據抄宋本增改

第十六頁前三行贈齋必須濃故諺云刊本必訛

金諺訛訣並據抄宋本改

第十六頁後八行沉之於美醬中刊本醬訛替據
抄宋本改

第十七頁前八行任食中始可噉刊本任訛佳中
訛之並據抄宋本改

第十八頁前八行剉魚畢刊本剉魚訛削去據抄
宋本改


第二十一頁後四行援引去腥刊本拔訛板據抄

金匱要略卷之四
宋本改

第二十三頁前六行作匏葉羹法刊本葉訛菜據
抄宋本改

第二十四頁後一行細切薑及橘皮各半刊本闕
薑字據抄宋本補

第三十四頁前五行齏葉訛法酒據抄宋本訛菜據
抄宋本改



總校官庶吉士臣侍朝

校對官庶吉士臣徐如澍

膳錄監生臣張孝基